

## MARK

### JEPTA 1

[Mk 1.1] Jinoïn gospel an Jijej Kūraj Nejin Anij.

- [2] Āinwōt ri kanaan Aiseia e ar je, Lo, Ij jilkinłok ri jelōka imaan mejōm, eo e naaj kapojak aṃ ial;
- [3] Ainikien juon ej lamōj i āne jemaden im ba, Komwin kapojak ial an Irooj, komwin kajimwe ial ko An:
- [4] Jon e ar itok im peptaj i āne jemaden, im kwałok peptaj eo an ukełok kōn julok jerowwi ko.
- [5] Im aolepen āne Judia raar ilok ñan ippān, im ri Jerusalem otemjej, im ej peptaj erwōj ilo reba Jordan, im rej kwałok jerowwi ko aer.
- [6] Im Jon ej balle kōn nuknuk koolan kamel, im kōpool ipin kōn kañūr kilin kidu; im ej mōñā lokōs ko im ōne awiia.
- [7] Im ej kwałok im ba, Eo e kajoor jān eō ej battok jān ña, kworōn ballin neen I patkake in badikdik im jēlate.
- [8] I ar peptaj kom ilo dān; a E naaj peptaj kom ilo Jetōb Kwōjarjar.
- [9] Im ilo raan ko, Jijej e ar itok jān Nazeret i Galili, im Jon e ar peptaj E ilo Jordan.
- [10] Im kiiōkiiō Ej ato jān dān im lo lañ emjallok, im Jetōb āinwōt muļe Ej kālaltak ioon:
- [11] Im ainikien ej itok jān lañ, im ba, Kwe Nejiō jitōnbōro ippa, Ij mōñōñō kake Eok.
- [12] Im e jab ruṃwij an Jetōb jilkinłok E ñan āne jemaden.
- [13] Im Ej pād i āne jemaden iumwin eñoul raan im Setan ej kapo E; im Ej pād ippān kidu ko rawia: im enjeł ro rej jermal ñan E.
- [14] Im ālikin ketak Jon, Jijej ej itok ilo Galili, im kwałok gospel an aelōñ in Anij,
- [15] Im ba, Ejejjet iien, im epaak aelōñ in Anij: komwin ukełok ippemi, im tōmak ilo gospel.
- [16] Im ke ej etetal iturin lomaļo in Galili, Ej lo Saimōn im Andru jaten Saimōn rej door ok i lojet; bwe ri eñōd erro.
- [17] Im Jijej e ba ñan er, Komwin iten ļoor Eō, im I naaj likūt kom ri eñōd armej.
- [18] Im eṃōkaj aer ilok jān ok ko aer, im ļoor E.
- [19] Im ke eṃōj An ilok jidik jān ijo Ej lo Jemes nejin Zebedi, im Jon jaten, rej barāinwōt ilo wa im kanwōdi ok ko.
- [20] Im eṃōkaj An kūrtoke erro: im rej likūt jemeir Zebedi ilo wa eo ippān ro ri jermal, im rejro ilem ļoor E.
- [21] Im rej deļoñ ilowan Kaperneum, im e mōkaj ilo raan Jabōt Ej deļoñ ilowan imōn kwelok eo, im katakin.
- [22] Im re bwilōñ kōn An naan in katak; bwe Ej katakin er āinwōt Irooj, im jab āinwōt skraib ro.
- [23] Im juon eṃṃaan ej pād ilowan imōn kwelok eo aer, im jetōb ettoon ej mok ṃa ānbwinnen; im ej lamōj,
- [24] Im ba, Ta eo ippem im ippam, kwe Jijej ri Nazeret? Kwōj iten kōkkure kōm ke? Ij kile Eok, Ri Kwōjarjar an Anij.
- [25] Im Jijej ej kauwe e, im ba, Kwōn ikōñ, im ilok jān e.

- [26] Im ke emōj an jetōb ettoon kekeel e, im lamōj im eļap ainikien, ej jutakļok jān e.
- [27] Im er otemjej re bwilōñ, bwe rej kajjitōk ippān doon, im ba, Ta men in? Naan in katak ekāāl! bwe kōn an Irooj Ej jiroñ jetōb ettoon ro, im rej pokake E.
- [28] Im e mōkaj An buñbuñļok ijo ko otemjej i aolepen āne Galili iturin.
- [29] Im kiiōkiiō, ke emōj aer diwōjļok jān imōn kwelok eo, rej deļoñ ilowan imōn Saimōn im Andru, ippān Jemes im Jon.
- [30] A jilben Saimōn ej babu e nañinmej kōn bwil; im e mōkaj aer ba ñan E kōn e.
- [31] Im Ej itok im kabwijere pein, im kajerkak e; im nañinmej in bwil ej ilok jān e, im lio ej jermal ñan er.
- [32] Im e jota, ke e tulok aļ, rej bōktok ñan E ro otemjej re nañinmej im ro timoņ raar mōk ña ānbwinneir.
- [33] Im ri jikin kwelok otemjej raar mattok ñan iturin kōjām.
- [34] Im Ej kemour elōñ ro re nañinmej kōn jabdewōt nañinmej, im kajutakļok elōñ timoņ; im Ej bōbrae an timoņ ro kōnono, bwe re kiil E.
- [35] Im ke ilju Ej jerkak etTo jān raantak, im diwōj im ilok ñan āne jemaden, im Ej jar ie.
- [36] Im Saimōn im ro ippān rej ilok i lōkōn ļok.
- [37] Im ke emōj aer lo E, re ba ñan E, Er otemjej rej kapukōt Eok.
- [38] Im E ba ñan er, Jān ilok ñan jikin kwelok kōn repaak, bwe In barāinwōt kwaļok ijo ko; bwe kōn men in I ar itok.
- [39] Im Ej deļoñ ilowan imōn kwelok ko aer i aolepen Galili, im kwaļok im kajutakļok timoņ raņ.
- [40] Im ej itok juon lōba ñan ippān im akweļap ñan E, im bukweļōlō ñan E, im ba ñan E, Eļañne Kwō kōņaan, Kwōj maroñ in karreo eō.
- [41] Im kōn An tūriaņo, Ej erļoke pein, im uññūre, im ba ñan e, I kōņaan: kwōn erreō.
- [42] Im e jab ruņwij an nañinmej in lōba eo ilok jān e, im ej erreō.
- [43] Im eļap An kauwe e, im emōkaj An jilkinļok e,
- [44] Im E ba ñan e, Lale bwe kwōn jab kōnnaanōk jabdewōt armej: a kwōn ilok, kwōn make kwaļok eok ñan pris eo, im leļok men ko Moses e ar jiroñ kōn karreo eok, kōn kōnnaan ñan er.
- [45] A e diwōjļok, im jino eļap an kōnnaan, im kabuñbuñļok men eo: kōn men in Jijej e ban deļoñ alikkar ilowan jikin kwelok, a Ej pād i āne jemaden ko, im armej rej itok ñan E jān ijo ko otemjej.

## JEPTA 2

- [Mk 2.1] Im ālikin jet raan Ej bar deļoñ ilowan Kaperneum, im e buñbuñ bwe Ej pād ilowan im.
- [2] Im elōñ emōkaj aer kweilokļok, in ejjeļok jikier ijo ak iturin kōjām: in Ej ba ñan er naan eo.
- [3] Im rej itok ñan E, im bōktok juon armej e akā emān ro rej bōktok.
- [4] Im ke re ban kepaak E kōn eļap jar eo rej kapellok mōttan kejenwaan ikijjien ijo Ej pād ie: im ke emōj aer rupe, rej katolaļtak kinien ļeo e akā ej babu ioon.
- [5] Ke Jijej ej lo aer tōmak, E ba ñan ļeo e akā, Nejiō, ejako jerowiwī ko am.
- [6] A jet iaan skraib ro rej jijet ijo, rej ļōmņak ilo būrueir,

- [7] Etke armej in ej ba äindein ? Ej blasphem: wön ej maroñ in jeorlok jerowiwi ko, a Anij wöt?
- [8] Im emökaj, ke Jijej e jelã ilo an bwe äindein aer lõmñak ilowaer, E ba ñan er, Etke komij lõmñak men kein ilo büruemi?
- [9] Ewi iaerro e mõrã in ba ñan leo e akã, Ejako jerowiwi ko am; ak Kwön jerkak im bök kiniõm im etal?
- [10] A bwe komwin jelã bwe Nejin armej e maroñ in jeorlok jerowiwi ko ioon la], (E ba ñan leo e akã,)
- [11] Ij ba ñan eok, Kwön jerkak, im bök kiniõm, im ilok ñan mweo imõm.
- [12] Im emökaj an jerkak, im bök kinien, im diwõjlok imaan mejeir otemjej: innãm er otemjej re bwilõñ im wõtjake Anij, im ba, Kõm ar jab loe im äinwõt in mokta.
- [13] Im Ej bar etal ñan iturin lojet: im aolepen jar eo rej kweiloklok ñan ippãn, im Ej katakin er.
- [14] Im ke Ej kijoone, Ej lo Livai nejin Alpiõs ej jijet ilo jikin tõl owõj, im E ba ñan e, Kwön loor Eõ. Im e jutak im loor E.
- [15] Im ke Jijej ej jibadek im mõñã ilowan mweo imõn, elõñ ri tõl owõj im ri jerowiwi rej jimor jibadek ippãn Jijej im ro ri kalooran; bwe relõñ, im rej loor E.
- [16] Im ke skraib ro im Parisi ro rej lo An mõñã ippãn ro ri tõl owõj im ri jerowiwi, re ba ñan ro ri kalooran, Ej mõñã im idaa ippãn ri tõl owõj im ri jerowiwi rañ.
- [17] Im ke Jijej ej roñjake, E ba ñan er, Ro re jab nañinmej re jab aikuj rü uno, a ro re nañinmej wõt. I ar jab iten kūr tok ro remman, a ro renana.
- [18] Im ro ri kalooran Jon im Parisi ro raar jitolok: im rej item ba ñan E; Etke ro ri kalooran Jon im ro ri kalooran Parisi rañ re jitolok, a ro ri kalooram re jab jitolok?
- [19] Im Jijej e ba ñan er, Ro jeran eo ej pälele rej jitolok ke leo ej päd ippaer ke? toñ wõt ke leo ej päd ippaer re ban jitolok.
- [20] A raan ko re naaj itok ñe naaj bõklok leo jãn ippaer, innãm re naaj jitolok ilo raan eo.
- [21] Im ejjelok armej ej keke nuknuk e jañin jãn ña ilo nuknuk emor; ejañne äinwõt, mõttan nuknuk eo ekãäl, im ar karpen kake, ej kekeel nuknuk eo emor, im e nana lok an potak.
- [22] Im ejjelok armej ej etteñ wain ekãäl ña ilo bõkã kilin kidu remor; ejañne äinwõt wain eo ekãäl ej rupe bõkã ko, im ejako wain kab bõkã ko: a rej etteñ wain ekãäl ña ilo bõkã rekãäl.
- [23] Im Ej etal ilo jikin kallib korn ko ilo raan Jabõt; im ri kalooran ke rej etal, re jino aer lote leen korn.
- [24] Im Parisi ro re ba ñan E, Lo, etke rej kõmman men eo emõ ilo raan Jabõt?
- [25] Im E ba ñan er, Kom ar jab kõnono ilo bok ke ta eo Devid e ar kõmman ke ej aikuj im kwõle, e im ro raar päd ippãn?
- [26] Ekõjkan an deļõñ ilowan imõn Anij ke Abaietar ej pris laplap, im e ar mõñã bred in kaalikkar emõ bwe en mõñã, a pris ro wõt, im e ar lelok ñan ro rej päd ippãn?
- [27] Im E ba ñan er, Jabõt ar kõmmane ñan armej rañ, im jab armej ñan Jabõt:
- [28] Innãm Nejin armej Ej Irooj in Jabõt.

- [Mk 3.1] Im Ej bar deļoņ ilowan iṃōn kwelok; im juon eṃṃaan ej pād ie, e mōrā pein.
- [2] Im rej kōjjaad E, eļañņe E naaj kemour e ilo raan Jabōt; bwe ren kinaakļok E.
- [3] Im E ba ñan armej e mōrā pein, Kwōn jutak ilo bwilij.
- [4] Im E ba ñan er, Emālim ke kōṃanṃan eṃṃan ilo Jabōt ko, ak kōṃanṃan nana? kemour ke, ak ṃan? A rej ikōñ.
- [5] Im ke Ej reiļok ñan er kōn illu, bwe Ej būromōj kōn an pen būrueir, Ej ba ñan armej eo, Kwōn erļoke piom. Im ej erļoke; im pein emour im āinwōt pein eo juon.
- [6] Im Parisi ro rej diwōjļok, im eṃōkaj aer pepe ippān ro doon Herod kōn E, e naaj kōjkan aer ṃan E.
- [7] Im Jijej kab ro ri kaļooran ej ilok ñan iturin loṃaļo: im eļap jar eo rej ļoor E jān Galili: im jān Judia,
- [8] Im jān Jerusalem, im jān Aidumia, im jān reear in Jordan, im jān iturin Tair im Saidōn, jar eo e kanooj ļap, ke eṃōj aer roņjake men ko reļap E ar kōṃṃAn, rej itok ñan ippān.
- [9] Im E ba ñan ro ri kaļooran, bwe en juon wa edik ippān, kōn an ļap jar eo, bwe ren jab kōbaj E.
- [10] Bwe E ar kemour elōñ; kōn men eo jabdewōt ro re nañinmej rej idedeļok ñan E bwe ren uññūr E.
- [11] Im jetōb ettoon ro, ke rej lo E, re buñ iṃaan mejan, im lamōj, im ba, Kwe Nejin Anij.
- [12] Im eļap An kauwe er bwe ren jab kōjjeļaik armej kōn E.
- [13] Im Ej wanlōñļok ioon toļ eo, im Ej kūrtoke ro E kōṃaan; im rej itok ñan ippān.
- [14] Im Ej likūt joñoul im ruo bwe ren pād ippān, im bwe En jilkinļok er bwe ren kwaļok,
- [15] Im bwe ren maroñ in kajutakļok tiṃoņ ro.
- [16] Im Ej ṃaetan Saimōn ātkālen Piter;
- [17] Im Jemes nejin Zebedi im Jon jaten Jemes; im Ej ṃaetaerro ātkālen Boanertjis, āinwōt ro nejin jourur:
- [18] Im Andru, im Pilip, im Bartolomu, im Matu, im Tomas, im Jemes, nejin Alpiōs, im Tadiōs, im Saimōn ri Kena,
- [19] Im Judas Iskariōt, eo ej ketak E: im rej deļoņ ilowan juon im.
- [20] Im jar eo rej bar kweilokļok; innām re jab maroñ in ṃōñā bred.
- [21] Im ke ro nukwin rej roņjake, re diwōjļok bwe ren jibwe E; bwe re ba Ej wūdeakeak.
- [22] Im skraib ro raar wanlaļtak jān Jerusalem, re ba, Beelzebub ej pād ippān, im Ej kajutakļok tiṃoņ ro kōn Irooj in tiṃoņ ro.
- [23] Im Ej kūrtoke er, im ba ñan er ilo būrabōļ ko, Ekōjkan an Setan maroñ in kajutakļok Setan?
- [24] Im eļañņe aelōñ e jepel jimattan juṃae jimattan, aelōñ eo e jāmin pād wōt.
- [25] Im eļañņe im ej jepel jimattan juṃae jimattan, ṃweo e ban pād wōt.
- [26] Im eļañņe Setan ej make jutak juṃae e im e jepel, e ban pād im jutak, a e naaj jako.
- [27] Ejjeļok armej e maroñ deļoņ ilowan ṃweo iṃōn eo e kajoor, im rakimi men ko ṃweiiien, eļañņe e jab lukwōj ļeo e kajoor ṃokta; innām e naaj rakimi ṃweo iṃōn.
- [28] Eṃool Ij ba ñan kom, Jerowiwī otemej naaj jeorļok jān ro nejin armej raņ, im jabdewōt blaspim ko re naaj blaspim kake;

- [29] A jabdewõt eo e naaj blaspim ñae Jetõb Kwõjarjar, E jãmin jeorļok an jerõwiwi , a ewor ruõn indeeo.
- [30] Bwe raar ba, jetõb ettoon ej pãd ippãn.
- [31] Innãm ro jaten im jinen rej itok, im ke rej jutak i nabõj, rej jelõkļok ñan E, im kūr E.
- [32] Im jar eo rej jijet iturin, im re ba ñan E, Lo jinõm im ro jatiõm rej i nabõj im kapukõt Eok.
- [33] Im E uwaak er, im ba, Wõn jinõ, ak jatiõ maan ran?
- [34] Im Ej reiļok ñan ro rej laajrak iturin, im ba, Lo, jinõ im ro jatiõ maan.
- [35] Bwe eo ej kõmanman ankilaan Anij, e in jatiõ maan im kõrã, im jinõ.

#### JEPTA 4

- [Mk 4.1] Im Ej bar jino An katakin iturin lojet. Im eļap jar eo rej kweilõkļok ñan ippãn, innãm Ej uwe ioon wa, im jijet ilo lojet; im aolepen jar eo rej pãd iturin lojet ioon ãne.
- [2] Im Ej katakin er men ko relõn ilo bũrabõļ ko, im e ba ñan er ilo An katakin,
- [3] Komwin roñjake: lo, ri jeor e ar ilen jeor.
- [4] Im ke ej jeor, jet ine rej buñut iturin ial im bao in mejatoto rej kãtem kañi.
- [5] Im jet re buñut ijo e dekãke, ijo edik bwidej ie; im emõkaj an eddek, bwe e pejpej bwidej;
- [6] Ak ke ej loliñ aļ e kõjeeke; im bwe ejjeļok okran ej aemedļok.
- [7] Im jet re buñut ilo bwiljin kãlõklõk ko, im kãlõklõk ko rej eddek, im koutamweiki, im e jab jebar leen.
- [8] Im bar jet re buñut ioon bwidej emman, im jebar leen ej eddek im ļapļok, im jebar jilñuul kõn juon, im jiljinoñoul kõn juon, im jibukwi kõn juon.
- [9] Im E ba ñan er, Eo ewor lojilñin bwe en roñjake en roñļokjeņ.
- [10] Im ke Ej make iaan, ro rej pãd iturin kab joñoul im ruo, rej kajjitõk ippãn kõn bũrabõļ ko.
- [11] Im E ba ñan er, emõj lewõj ñan kom bwe komwin jeļã men eo ettino an aelõn in Anij; a ñan ro ãlikin, kõmanman men ko otemjej ilo bũrabõļ ko.
- [12] Bwe ñe rej loe, ren loe im jaje kake; im ñe rej roñ ren roñjake, im jab meļeļe; ñe re ab ukõt bũrueir, im naaj jako jerõwiwi ko aer.
- [13] Im E ba ñan er, Kom jab jeļã bũrabõļ in ke? e naaj kõjkan ami jeļã waan joñak otemjej?
- [14] Ri jeor eo ej jeor naan.
- [15] Im rein ro rej pãd iturin ial, ijo jeor naan ie; im ke raar roñjake, emõkaj an Setan itok im bõkļok naan eo ar jeor an ilo bũrueir.
- [16] Im ãindein rein ro ar jeor ijo e dekãke; ke raar roñjake naan, emõkaj aer bõke, im e buñbũrueir;
- [17] Im ejjeļok okrair ilo er, a jidik wõt iien aer niknik; innãm ñe jorrããn ak matõrtõr ej waļok kõn naan, emõkaj aer tipñõl.
- [18] Im bar jet ro jeor ilo kãlõklõk ko; rein ro raar roñjake naan;
- [19] Im inepata ko an laļ in, im moņ an mweiuk ko, im mõmkake men ko jet, rej deļõn im koutamweik naan, im e jab jebar leen.
- [20] Im ro ar jeor ioon bwidej emman; ro rej roñ naan, im bõke, im jebar leir, juon jilñuul, juon jiljinoñoul, im juon jibukwi.

- [21] Im E ba ñan er, Rej bōktok ļaam, bwe re likūt e iumwin jāpe, ak iumwin peet, im jab likūt e ioon jikin ļaam ke?
- [22] Bwe ejjeļok men in nojak, eļañņe jab bwe en alikkar; ak ejjeļok men in kalbubu a bwe en waļokļok.
- [23] Im eļañņe jab dewōt armej ewor lojilņin bwe en roņjake, en roņļokjen.
- [24] Im E ba ñan er, Komwin lale ta eo komij roņjake. Joņak eo komij joņak kake, naaj bar joņak ñan kom; im naaj koorļok lewōj ñan kom.
- [25] Bwe eo ewor ippān, naaj leļok ñan e; im eo ejjeļok ippān, naaj bōk men eo an jān e.
- [26] Im E ba, Āin aelōñ in Anij dein, āinwōt eļañņe armej ej kallib ine ilo bwidej;
- [27] Im ej kiki im jerkak boņ im raan, im ine ej eddek im ļapļok, e jaje kōjkan.
- [28] Bwe laj ej kalle make iaan, mohta bōlōk, innām leen, tokālik leen ekalo.
- [29] A ñe leen ekalo emōkaj an bukwe kōn sikel, bwe iien madmōd emōj an itok.
- [30] Im E ba, E naaj kōjkan am kajjioņe aelōñ in Anij? ak kōm naaj kaalikkar e kōn būrabōļ ot?
- [31] Ej āinwōt ine in mustad, eo, ñe jeor ilo bwidej meņe edik jān ine otemjej ioon laj;
- [32] A ñe emōj jeor ej eddek, im ļapļok jān mar otemjej, im ej eddek ra im eļap; innām bao in mejatoto rej babu ilo lorin.
- [33] Im kōn elōñ būrabōļ im āinwōt Ej ba naan eo ñan er, āinwōt aer maroņ in roņjake.
- [34] A ñe ejjeļok būrabōļ E jab kōnono ñan er; ñe rej make ļok iaer Ej kameļeļeik men otemjej ñan ro ri kaļooran.
- [35] Im ilo raan eo, ke ejota, Ej ba ñan er, Jān ilok ñan loļaļo jab uweo.
- [36] Im rej ilok jān jar eo, im ektak E wōt ke Ej pād i wa. Im bar jet wa ippān.
- [37] Im e buņ ñat, im no ko rej juur ioon wa eo, innām elōñ.
- [38] Im Ej pād i lokōn wa eo, im kiki ioon pitōn; im rej koņuj E, im ba ñan E, Ri Kaki, kwō jab ļomņak kōn am jako ke?
- [39] Im Ej jerkak im kauwe kōto, im ba ñan loļaļo, Kwōn jab maķūtķūt, kwōn lur. Im kōto e jako, im eļap lur.
- [40] Im E ba ñan er, Etke komij lōļņoņ im āinwōt? Kom jaņin tōmak ke?
- [41] Im eļap aer mijak im ba ñan doon, Wōn armej in bwe kōto im lojet rej pokake E?

## JEPTA 5

[Mk 5.1] Im rej itok ñan loļaļo jab uweo ñan āne eo an ri Gerasa.

- [2] Im ke Ej to jān wa eo, emōkaj an juon armej ioon E jān wūliej ko, im jetōb ettoon moķ na ānbwinnen;
- [3] Ej jokwe ilo wūliej ko, im ejjeļok armej e maroņ in liāpe jab kōn tomede;
- [4] Bwe elōñ alen aer liāpe kōn feter ko im tomede ko, im tomede ko e ar mwiķkōki, im feter ko e ar rup: im ejjeļok armej e maroņ bwe en kawieek e.
- [5] Im iien otemjej, boņ im raan, ioon toļ ko im ilo wūliej ko, ej lamōj im make bukwe kōn dekā ko.
- [6] A ke ej lo Jijej etoļok ej ettōr im kabuņ ñan E;
- [7] Im ej lamōj kōn eļap ainikien, im ba, Ta ippam im ippa, Kwe Jijej Nejin Anij eutiejtata? Ij kaneņnej ñan Eok kōn Anij, Kwōn jab kaeņtaan eō.

- [8] Bwe E ar ba ñan e, Kwõn jutakļok jãn armej ñe, kwe jetõb ettoon.
- [9] Im Ej kajjitõk ippãn, Etaṁ? Im e uwaak im ba, Eta Lijiõn; bwe kõm lõñ.
- [10] Im eļap an akweļap ñan E, bwe En jab jilkinļok er jãn ãne eo.
- [11] Im ijo ioon toļ eo, bwijin piik eļap rej ṁõñã.
- [12] Im tiṁoṅ ro otemjej rej akweļap ñan E, Kwõn jilkinļok kõm ñan ilowan piik ko, bwe kõmin deļoñ ilo er.
- [13] Im Ej kõtļok er. Im jetõb ettoon ro rej jutakļok, im deļoñ ilowan piik ko; im bwijin piik ko rej kanooj ettõrlaļ ļok ijo ejirũmle ñan lojet, oraer enañin ruo toujin, im rej maļoñ i lojet.
- [14] Im ro rej naajdik piik ko re ko, im kõnnaanõk ro rej pãd ilo jikin kwelok eo, im ilujen ãne eo. Im rej ilok bwe ren lo men eo eṁõj kõmṁmane.
- [15] Im rej itok ñan ippãn Jijej, im lo eo tiṁoṅ e kar møk ṅa ãnbwinnen, im lijiõn e kar ippãn, im ej jijet, im ewor nuknuk ko an, im ejako an wũdeakeak: im rej lõļṅoñ.
- [16] Im ro raar loe rej kõnnaanõk er, kõjkan ļeo tiṁoṅ e kar møk ṅa ãnbwinnen, im kõn piik ko.
- [17] Im rej jino aer akweļap ñan E, bwe En ilok jãn ãne eo ãneir.
- [18] Im ke Ej uwe ioon wa, eo tiṁoṅ e kar møk ṅa ãnbwinnen, ej akweļap ñan E bwe en pãd ippãn.
- [19] Im Jijej ej bõbrae e, im E ba ñan e, Kwõn ilok ñan ṁweo iṁõṁ ippãn ro nukwuṁ, im kõnnaanõk er men ko reļap an Irooj kõṁṁAn ñan eok, im kõjkan An tũriamokake eok.
- [20] Im ej ilok im kabuñbuñļok i Dekapolis men ko reļap Jijej e ar kõṁṁAn ñan e; im er otemjej re bwilõñ.
- [21] Im ke eṁõj an Jijej bar eļļã ñan loṁaļo jab uweo kõn wa eo elõñ armej rej kweilokļok ñan ippãn: im Ej epaak ñan lojet.
- [22] Im lo, juon iaan ri lale iṁõn kwelok ej itok ñan ippãn, etan Jairõs; ke ej loe, ej buñ ṅa iturin neen,
- [23] Im eļap an jar im akweļap ñan E, im ba, Nejiõ ledik ej nañinmej wõt jidik; Kwõn item likũt piom ṅa ioon, bwe en jako an nañinmej, im en mour.
- [24] Im Jijej ej ilok ippãnļok: im elõñ armej rej ļoor E, im kõbaj E.
- [25] Im juon kõrã, bõtõktõkin etoṅor ļok iumwin joñoul im ruo iiõ,
- [26] Im eļap an eñtaan kõn elõñ rũ uno, im e ar aji ṁweiien otemjej, im e jab mour ļok, a ej doorlaļļok,
- [27] Ke e ar roñ kõn Jijej, ej itok ilo bwiljin jar eo ilokõn, im uññũr kopã eo An.
- [28] Bwe e ba, Eļañne I naaj uññũr wõt jidik nuknuk ko An, I naaj mour.
- [29] Im eṁõkaj an ṁõrã unin bõtõktõkin; im ej eñjake ilo ãnbwinnen bwe ej mour jãn nañinmej eo an.
- [30] Im Jijej, eṁõkaj An jeļã ilowan, bwe kajoor e ar ilok jãn E, ej oktak ilo bwiljin armej, im ba, Wõn e ar uññũr nuknuk ko Aõ?
- [31] Im ri kaļooran re ba ñan E, Kwõj lo elõñ armej rej kõbaj Eok, im Kwõj ba ke, Wõn e ar uññũr Eõ?
- [32] Im Ej reiļok bwe En lo lio e ar kõṁṁan men iṅ.

- [33] A kōrā eo ej lōlñōñ im wūdiddid, bwe e jeļā ta eo eṃōj kōṃṃane ilowan, ej itok im buñ iṃaan mejan, im ba ñan E aolepen ṃool.
- [34] Im E ba ñan e, Nejiō, aṃ tōmak e ar kemour eok; kwōn ilok im aenōṃṃan, im mour jān aṃ nañinmej.
- [35] Im ke Ej kōnono, rej itok jān iṃōn ri lale iṃōn kwelok, im ba, E mej ledik eo nejōṃ; etke kwōj kaṃōk wōt Ri Kaki ṃe?
- [36] A Jijej ej kābon naan eo rej ba, im E ba ñan ri lale iṃōn kwelok, Kwōn jab lōlñōñ, kwōn tōmak wōt.
- [37] Im E jab kōtlok bwe armej ren ļoor E, a erjel wōt, Piter im Jemes im Jon, jaten Jemes.
- [38] Im ej itok ñan iṃōn ri lale iṃōn kwelok, im Ej lo aer iruj, im ro rej jañ im limō eļap.
- [39] Im ke Ej deļōñ, E ba ñan er, etke komij iruj im jañ? ledik ṃe e jab mej, a ej kiki.
- [40] Im rej kajjirere kake. A ke eṃōj An kadiwōjlok er otemjej, Ej āñin jemen im jinen ledik eo, im ro rej pād ippān, im deļōñ ñan ijo ledik ej babu ie.
- [41] Im ej kabwijere ledik eo kōn pein, im ba ñan e, Talita kumi; ukōtōn naan iṃ, Ledik, Ij ba ñan eok, kwōn jerkak.
- [42] Im eṃōkaj an ledik jerkak, im etal; bwe e rūttōn joñoul im ruo iiō. Im rej bwilōñ kōn eļap bwilōñ.
- [43] Im eļap An jiroñ er bwe ejjeļok armej en jeļā men iṃ; im Ej ba bwe ren leļok ñan e bwe en ṃōñā.

#### JEPTA 6

- [Mk 6.1] Im Ej ilok jān ijo, im itok ñan āne eo An: im ri kaļooran rej ļoor E.
- [2] Im ke Jabōt ej itok, Ej jino an katakin ilowan iṃōn kwelok; im elōñ ro rej roñjake re bwilōñ , im ba, jān ia men kein an armej iṃ? im ta mālotlōt iṃ ar leļok ñan E, im ekōjkan An kōṃanṃan men in bwilōñ kein kōn pein?
- [3] Le iṃ e jab karpenter, nejin Meri, jein Jemes im Joses im Judas im Saimōn ke? im ro jaten kōrā re jab pād ipped ke? Im re tipñōl kōn E.
- [4] A Jijej e ba ñan er, Rej nōbar ri kanaan, eļaññe e jab pād i āne eo an, ippān ro nukwin, im ilowan ṃweo iṃōn.
- [5] Im ijo E ban kōṃṃan jabdewōt jermal ekajoor, a Ej likūt pein ioon re iiet ro re nañinmej, im kemour er.
- [6] Im Ej bwilōñ kōn aer jab tōmak. Im Ej itoitak ilo jikin kwelok ko redik, im katakin.
- [7] Im Ej añiñintok joñoul im ruo, im jino An jilkinlok er ruo iaan im ruo iaan, im Ej leļok ñan er kajoor ioon jetōb ettoon ro;
- [8] Im jiroñ er bwe enjeļok men en rej bōk ippaer kōn aer etal, a jokon wōt; enjeļok bōjo, enjeļok bred, enjeļok ṃAn ilo aer kañūr;
- [9] A ren kōṃak ballin neir, im jab kōṃak ruo kopā.
- [10] Im e ba ñan er, Ijo jabdewōt komij deļōñ ilowan im, koṃwin pād ijo ñan tōr eo komij ilok jān e.
- [11] Im jabdewōt eo e jāmin bōk kom, im jab roñjake kom, ñe komij ilok jān ijo, koṃwin jojen būñalñal iuṃwin neimi bwe en men in kōnnaan ñan er.
- [12] Im rej ilok, im kwaļok bwe armej ren ukeļok ippaer.

- [13] Im rej kajutakl̥ok elōñ timon, im kapit kōn oil elōñ ro re nañinmej, im kemour er.
- [14] Im kiñ Herod ej roñ kōn e; bwe e buñbuñ l̥ok etan: im e ba, Jon ri peptaj e ar jerkakpeje j̄an ro re mej, im kōn men iñ kajoor kein rej jermal ilo E.
- [15] Bar jet re ba, e Elaija. Im bar jet re ba, E juon ri kanaan, im āinwōt juon iaan ri kanaan ro.
- [16] A Herod, ke ej roñjake, e ba, E Jon eo I ar jebbare: ej jerkakpeje j̄an ro re mej.
- [17] Bwe Herod e make ar jelōkl̥ok im jibwe Jon, im liāpe na ilowan prisōn kōn Herodia, pāleen Pilip jein: bwe e ar pālele ippān.
- [18] Bwe Jon e ar ba ñan Herod, E jab mālim bwe kwōn bōk lio pāleen jiom.
- [19] Im Herodias e pāle, im kōṇaan ṁan e; ak e ban:
- [20] Bwe Herod ej mijak Jon, bwe e jeļā e armej ewānōk im kwōjarjar, im ej kōjparok e. Im ke ej roñjake ebiuk an l̥omṁak; im e buñbūruen ke ej roñjake.
- [21] Im ke ej itok raan emṁan, bwe ilo raan eo Herod e ar lotak ie, ej kōṁanṁan juon kwōjkwōj ñan an irooj jidik, im ro kapen ļapļap, im ro irooj in Galili;
- [22] Im ke nejin Herodias, nejin kōrā ej deļoñ, im eb, im kabuñbūruen Herod im ro rej jibadek im ṁōñā ippān, kiñ eo e ba ñan jiroñ eo, Kwōn kajjitōk ippa jabdewōt men eo kwō kōṇake, im I naaj lewōj ñan eok.
- [23] Im ej kanejnej ñan e, Jabdewōt eo kwōj kajjitōk ippa, I naaj lewōj ñan eok, eļañne jibwilkwōn aelōñ eo aō.
- [24] Im lio ej il̥ok, im kajjitōk ippān jinen, Ta eo in kajjitōk? Im e ba, Bōran Jon ri peptaj.
- [25] Im kiiōkiiō ej ṁōkajtok im deļoñ ñan ippān kiñ eo, im kajjitōk, im ba I kōṇaan bwe kwōn letok ñan eō kiiō l̥ok ilowan jāpe, bōran Jon ri peptaj.
- [26] Im kiñ e kanooj būromōj kake; a kōn an kanejnej, im kōn ro rej jibadek im ṁōñā, e jab kōṇaan ba ñan lio, Jab.
- [27] Im emōkaj an kiñ jilkinl̥ok juon ri ire, im jiroñ bwe en bōktok bōran: im ej il̥ok im jebbare na ilowan prisōn,
- [28] Im bōktok bōran ilo jāpe, im leļok ñan jiroñ eo; im jiroñ eo ej leļok ñan jinen.
- [29] Im ke ri kaļooran rej roñjake, rej item bōk ubōn, im likūt e ilowan lōb.
- [30] Im ri kaļooran rej kweil̥okl̥ok ñan ippān Jijej, im kōnnaanōk E men otemjej men ko raar kōṁṁAn, im men ko raar katakin.
- [31] Im e ba ñan er, Komwin make wōt im itok ñan āne jemaden, im kakkije jidik iien: bwe elōñ ro rej itok im il̥ok, im ejjeļok iien aer ṁōñā.
- [32] Im rej il̥ok ñan āne jemaden kōn wa, im make l̥ok iaer.
- [33] Im armej raṁ rej lo aer il̥ok, im elōñ rej kile er, im rej ettōr ñan ijo j̄an jikin kwel̥ok otemjej, im ṁōkajl̥ok j̄an er.
- [34] Im ej itok im lo jar eļap, im ej tūriamokake er, bwe er āinwōt j̄ip ko ñe ejjeļok aer seperd: im ej jino An katakin er men ko relōñ.
- [35] Im ke e nañin jeml̥ok raan, ri kaļooran rej itok ñan ippān, im ba, Ijin āne jemaden, im kiiō e nañin boñ;
- [36] Kwōn jilkinl̥ok er, bwe ren il̥ok ñan āne im jikin kwel̥ok ko redik iturin, bwe ren wiaik kijeir.

- [37] A Ej uwaak im ba ñan er, Komwin leļok ñan er bwe ren mōñā. Im re ba ñan E, Kōmin ilok ke, im wiaik bred kōn rūbukwi sillin, im leļok ñan er bwe ren mōñā?
- [38] E ba ñan er, Jete ioon bred ippemi? komwin ilem loe. Im ke re jelā, re ba, ļalem, im ruo ek.
- [39] Im Ej jiroñ er, bwe ren kajijet im kōllaajrak er ioon wūjooj emaroro.
- [40] Im rej jijet ilo jar ko jibukwi, im ilo jar ko lemñoul.
- [41] Im Ej bōk ļalem ioon bred im ruo ek, im ejed ñan lañ, im jar, im ruji ioon bred ko, im leļok ñan ro ri kaļooran bwe ren likūt iṃaer; im ruo ek Ej ajej ñan er otemjej.
- [42] Im er otem jeļok rej mōñā im mat.
- [43] Im rej āti joñoul im ruo iep relōñ kōn mātiir im ek ko.
- [44] Im ro rej mōñā ioon bred ko, limādep ṃaan.
- [45] Im eṃōkaj An jiroñ ro ri kaļooran bwe ren uwe ioon wa, im ilok mokta ñan loṃaļo jab uweo, ñan Betseida, ke Ej jilkinļok jar eo.
- [46] Im ke eṃōj An jilkinļok er, Ej ilok ñan juon toļ bwe en jar.
- [47] Im ke ejota wa eo ej pād ilukwōn loṃaļo, im e make iaan ioon āne.
- [48] Im Ej lo aer eñtaan im aōnōn, bwe kōto ej itok iṃaan: im ke enañin emān mmej ilo boñ, Ej itok ñan ippaer, im etal ioon lojet; im E kōṃaan kijoon er.
- [49] A ke rej lo An etal ioon lojet, rej ļōmṃak e Jetōb, im rej laṃōj:
- [50] Bwe er otemjej rej lo E, im re abwinmake. Im eṃōkaj An kōnono ippaer, im ba ñan er, Komwin aenōṃṃan: Ña E; komwin jab abwinmake.
- [51] Im ej uwelōñļok ñan ippaer ioon wa; im kōto ejako; im e kanooj ļap aer bwilōñ ilo er;
- [52] Bwe re jab jelā kōn ioon bred ko, bwe būrueir re penawiia.
- [53] Im ke eṃōj aer eļļā, rej tōkeak āne Genesaret, im kōṃṃan wa.
- [54] Im ke rej to jān wa, eṃōkaj aer kiil E,
- [55] Im ettōr ñan aolepen āne eo, im jino aer bōktok ro re nañinmej ioon peet ko, ñan ijo rej roñ Ej pād ie.
- [56] Im ijo jabdewōt Ej deļoñ ie, ilo jikin kwelok ko redik, ak reļap, ak ilujen āne, rej likūt ro re nañinmej ilo jikin wia ko, im akweļap ñan e, bwe ren uññūr tōrerein wōt nuknuk ko An; im jabdewōt ro rej uññūre rej mour.

## JEPTA 7

- [Mk 7.1] Im Parisi ro, im jet iaan skraib ro, raar itok jān Jerusalem, rej kweilokļok ñan ippān.
- [2] Im raar lo jet iaan ro ri kaļooran rej mōñā bred kōn peir re jab erreo, āinwōt raar jab aṃwini.
- [3] Bwe Parisi ro, im ri Ju ro otemjej, eļaññe raar jab kanooj aṃwini peir, re jab mōñā, kōn aer dāpij an elder ro bwebwenato.
- [4] Im ke rej itok jān jikin wia, eļaññe re jab tutu, re jab mōñā. Im bar elōñ men ko ippaer, men ko rej bōki im dāpij, āinwōt kwaļe kab ko, im pot ko, im jāpe jiniboṃor ko.
- [5] Im Parisi ro im skraib ro rej kajjitōk ippān, Etke ri kaļooram re jab etal ilo an elder ro bwebwenato, a rej mōñā bred kōn peir re jab erreo?
- [6] E uwaak im ba ñan er, Eṃool an Aiseia rūkaanij kōn kom ri etao, āinwōt ar je, Armej rein rej kabuñ ñan Eō, kōn tieir, a būrueir rettoļok jān Eō.

- [7] A ejjeļok tokjān aer kabuñ ñan Eō, kōn aer katakin, kōn aer naan in katak, kein ko an armej.
- [8] Komij likūt kien Anij, im dāpij bwebwenato an armej raņ.
- [9] Im e ba ñan er, Eṃool komij joļok kien Anij, bwe koṃwin dāpij ami bwebwenato.
- [10] Bwe Moses e ba, Koṃwin koutiej jemaṃ im jinōṃ; im, jabdewōt eo ej kōnono nana kōn jemen ak jinen, en mej otem mej.
- [11] A kom ba, Eļaññe armej ej ba ñan jemen ak jinen, Men eo jabdewōt aō bwe in jipañ eok, ej korban, āinwōt ba, men in joortak;
- [12] Komij kōtļok e bwe en jab kōṃṃan eṃṃan ñan jidik ñan jemen ak jinen;
- [13] Im komij kōṃṃan naan in Anij jekdoṃon kōn ami bwebwenato, men eo kom ar leļok: im elōñ men rot kein komij kōṃṃan.
- [14] Im ke eṃōj an añiñintok armej otemjej ñan ippān, E ba ñan er, Koṃwin otemjej karoñjak Eō, im jeļā kake.
- [15] Ejjeļok men eo ilikin armej, men eo ej deļoñ ilowan, ej maroñ in kananaik e; a men ko rej waļoktok jān ilowan, men kein rej kananaik e.
- [17] Im ke eṃōj An deļoñ ilowan im jān jar eo, ri kaļooran rej kajjitōk ippān kōn būrabōļ eo.
- [18] Im E ba ñan er, Kom barāinwōt jaje kake ke? Kom jab lo ke, bwe men eo jabdewōt ilikin ej deļoñ ilowan armej, e ban kananaik e?
- [19] Bwe e jab deļoñ ilowan būruen, a ilowan lojien im ej diwōjļok ijo jikin mijlok. Ej ba men iņ im likūt ekkan otemjej erre.
- [20] Im E ba, men eo ej waļoktok jān ilowan armej, ej kananaik armej eo.
- [21] Bwe jān ilowan, jān būruen armej ej itok ļōṃṃak ko renana, ļōñ ko an ro ewor pāleir, ļōñ ko an ro ejjeļok pāleir, uror ko,
- [22] Koṃot ko, arōk ṃweiuk ko, jerowiwu ko, mone, kijoñ, mejnana, kōnono nana, juwa, bwebwe;
- [23] Men kein otemjej renana rej itok jān ilowan im kananaik armej.
- [24] Im Ej jutak jān ijo, im ilok ñan turin Tair im Saidon, im deļoñ ilowan im, im E jab kōṃnaan bwe armej ren jeļā: im E ban tilekek.
- [25] A eṃōkaj an juon kōrā, ledik eo nejin jetōb ettoon moṃ ṃa ānbwinnen, roñ kōn e im ej itok im buñ iturin neen.
- [26] Kōrā eo e ri Grik, ri Siropenia; im ej akweļap ñan E bwe En kajutakļok tiṃoņ jān ilowan ledik eo nejin.
- [27] A Jijej e ba ñan e, Ajri ro ren mat moṃta; bwe e jab eṃṃan bōk kijen ajri bred, im joļok e ñan kidu rorrer ko redik.
- [28] Im ej uwaak im ba ñan E, Aet, Irooj: a kidu ko redik iuṃwin tebōļ rej attūkoko tipdikdikin ajri raņ.
- [29] Im E ba ñan e, kōn naan iņ kwōn ilok: eṃōj an tiṃoņ jutakļok jān ilowan ledik eo nejoṃ.
- [30] Im ej ilok ñan ṃweo iṃōn, im lo ledik eo ej babu ioon kinien, im eṃōj an tiṃoņ jutakļok.
- [31] Im ke Ej ilok jān āne ko iturin Tair Ej deblōk Saidon im āne ko i tōrerein Dekapolis im bar itok ñan loṃaļo in Galili.
- [32] Im rej āñintok ñan E juon e jaroñroñ, im e allo; im rej akweļap ñan E bwe En likūt pein ioon.

- [33] Im ej añin]ok e jãn jar eo make iaan, im likūt addiin ilo lojilñin, im Ej iyelok, im uññur loen;
- [34] Im ej jer]ok ñan lañ, im jabjen menowan, im ba ñan e, Eppata, ãinwõt, En pe]ok.
- [35] Im emõkaj lojilñin rej roñ]okjeñ, im to an loen e meja], im e alikkar an kõnono.
- [36] Im Ej jiroñ er bwe ren jab kõnnaanõk armej: a ñe Ej ka]ap]ok An jiroñ er, rej ka]ap]ok aer kabuñbuñ]ok e.
- [37] Im e kanooj ]ap aer bwilõñ, im rej ba, E ar kõmman men otemjej im remman; Ej kõmman bwe ro rej jaroñroñ ren roñ]okjeñ, im ro re jaje kõnono ren kõnono.

## JEPTA 8

- [Mk 8.1] Ilo raan ko ke e kanooj ]ap jar eo, im ejje]ok kijeir, Jijej ej añiñintok ro ri ka]ooran, im ba ñan er,
- [2] Ij tũriamokake jar eo, bwe raar pãd ippa iumwin jilu raan, im ejje]ok kijeir.
- [3] Im e]añne Ij jilkin]ok er ilo aer jit]ok ñan moko imweir, re naaj parõk ilo ial; im jet iaer raar itok jãn ijo eto]ok.
- [4] Im ri ka]ooran re uwaak E, Jãn ia an armej maroñ in kõmat er kõn bred ije i ãne jemaden?
- [5] Im Ej kajjitõk ippaer, Jete ion bred ippemi? Im re ba, Jiljilimjuon.
- [6] Im Ej jiroñ jar eo bwe ren jijet ion me]aaj. Im Ej bõk jiljilimjuon ion bred ko, im jar, im ruji, im le]ok ñan ri ka]ooran bwe ren likūti im̄aer; im rej likūti im̄aan armej rañ.
- [7] Im e iiet ek ko redik ippaer; im Ej jar, im jiroñ bwe ren barãinwõt likūti im̄aer.
- [8] Im rej mõñã, im mat; im rej ãti mõttan ko matiir jiljilimjuon iep.
- [9] Im ro raar mõñã enañin earap; im Ej jilkin]ok er.
- [10] Im emõkaj An uwe ion wa ippãn ro ri ka]ooran, im tartok ñan ijo ko mõttan Dalmenuta.
- [11] Im Parisi ro rej itok, im jino aer kajjitõk ippãn, im pukot jãn E kakõ]je jãn lañ, bwe ren kapo E.
- [12] Im E kanooj jabjen menowan ilo An, im ba, Etke epepen in rej kapukõt kakõ]je? Emool Ij ba ñan kom, jãmin le]ok kakõ]je ñan epepen in.
- [13] Im Ej likūt er, im bar uwe ion wa, im ilok ñan lomalo jab uweo.
- [14] Im raar me]ok]ok in ektak, a juon wõt ion bred ippaer ion wa.
- [15] Im Ej kauwe er, im ba, Komwin lale, im kõjparok kom jãn leven an Parisi ro, im jãn leven an Herod.
- [16] Im rej kõnono ñan doon im ba, Ejje]ok bred ipped.
- [17] Im Jijej e je]ã im ba ñan er, Etke komij kõnono bwe ejje]ok bred ippemi? Kom ar jaje ñan kiiõ ke? a kom jab me]e]e ke? bũruemi re pen wõt ke?
- [18] Ewor mejemi, kom jab lo ke? im ewor lojilñemi, kom jab roñ ke? im kom jab keememej ke?
- [19] Ke I ar ruji ]alem ion bred ñan limãdep, jete iep ko relõñ kõn mõttan ko matiir komij ãti? Re ba ñan E, Joñoul im ruo.
- [20] Im ke jiljilimjuon ñan earap, jete iep ko relõñ kõn mõttan ko matiir komij ãti? Im re ba, Jiljilimjuon.
- [21] Im Ej ba ñan er, Kom jañin me]e]e ke?

- [22] Im rej itok ñan Betseida; im rej ãñintok ñan e juon armej epilo, im rej akweļap ñan e bwe En uññüre.
- [23] Im Ej kabwijere pein ļeo epilo, im ãñinļok e jãn jikin kwelok; im ke emōj An iyeloke mejan, im likūt pein ioon, ej kajjitōk ippãn, Ewor ta en kwōj loe?
- [24] Im ej bōk mejan im ba, Ij lo armej; bwe ij lo er ãinwōt wōjke im rej etetal.
- [25] Tokālik ej bar likūt pein ña ioon mejan, im ej kallimjeke; im ej mour, im e alikkar an lo men otemjej.
- [26] Im Ej jilkinļok e ñan mweo imōn im ba, Kwōn jab deļoñ ilowan jikin kwelok eo.
- [27] Im Jijej ej ilok, kab ro ri kaļooran, ñan jikin kwelok ko redik i Seseria Pilippai; im ilo ial Ej kajjitōk ippãn ro ri kaļooran, im ba ñan er, Wōn Ña, ilo an armej kōnono?
- [28] Im re uwaak, Jon ri peptaij; a jet re ba Elaija; im bar jet, Juon iaan ri kanaan ro.
- [29] Im Ej kajjitōk ippaer, A wōn Ña, ilo ami kōnono? Im Piter e uwaak im ba ñan E, Kwe ri Kūrai.
- [30] Im Ej kauwe er, bwe ren jab kōnnaanōk jabdewōt armej kōn E.
- [31] Im Ej jino An katakin er, bwe Nejin armej e naaj eñtaan kōn men ko relōñ; elder ro, im pris ro reļap, im skraib ro re naaj joļok E, im m̄an E, im ilokōn jilu raan e naaj jerkakpeje.
- [32] Im naan eo ej kōnono alikkar. Im Piter ej ãñinļok E, im jino an kauwe e.
- [33] Im ke emōj An oktak im reiļok ñan ro ri kaļooran, ej kauwe Piter, im ba, Kwōn ilok ālik Eō, Kwe setan; bwe kwō jab ļomņak kōn men ko an Anij, a kōn men ko an armej.
- [34] Im Ej añiñintok jar eo ñan ippãn kab ro ri kaļooran, im ba ñan er, Jabdewōt eo e kōņaan ļoor Eō, en make kaarmejjete, im inek debwāāl eo an, im ļoor Eō.
- [35] Bwe jabdewōt eo e kōņaan ļomņor an mour, e naaj jako an mour; a jabdewōt eo ej joļok an mour kōn Ña im kōn gospel, e naaj ļomņoren.
- [36] Bwe ewi em̄man ñan armej, eļaññe ej jibadek aolepen laļ, im kowōtlok an mour?
- [37] Ak ta eo em̄man an armej leļok bwe en kōrrā an?
- [38] Bwe jabdewōt eo e naaj jook kake Eō im naan ko Aō, ilo epepen iņ ej ļoñ im jerowiwī, Nejin armej e naaj jook kake e, iien eo Ej itok ilo aiboojoj an Jemen ippãn enjeļ re kwōjarjar.

## JEPTA 9

- [Mk 9.1] Im e ba ñan er, Emool Ij ba ñan kom, jet iaan ro rej jutak ijin re jāmin edjoñ mej, ñan tōr eo re naaj lo an aelōñ in Anij itok ilo kajoor.
- [2] Im ilokōn jiljino raan, Jijej ej ãñin Piter im Jemes im Jon, im ãñinlōñļok er ioon juon toļeutiej make iaer; im kōjakkōlkōl E im̄aan mejeir.
- [3] Im ballin e jatōltōl e kanooj mouj; im ejjeļok ri karreo nuknuk i laļ ej maroñ kemouj ãinwōt.
- [4] Im e weaaktok ñan ippaer Elaija im Moses, im rej kōnono ippãn Jijej.
- [5] Im Piter e uwaak im ba ñan Jijej, Rabbai, em̄man ar pād ijin; im jãn kalok jilu imōn kōppād; juon ñan Eok, juon ñan Moses, im juon ñan Elaija.
- [6] Bwe e jaje ta men eo en uwaak; bwe re kanooj lōļņoñ.
- [7] Im kōdo ej kallor er; im ainikien ej itok jãn kōdo eo im ba, E iņ Nejiō e jitōnbōro; komwin karoñjake.

- [8] Im emōkaj, ke emōj aer rei bajjek, rej lo ejjelok armej, a Jijej wōt ippaer.
- [9] Im ke rej to laj jān toj eo, Ej kauwe er bwe ren kōnnaanōk ejjelok armej men ko raar loi, ñan tōr eo Nejin armej e naaj jerkakpeje jān ro re mej.
- [10] Im rej dāpij naan eo ippaer, im kajjitōk ippān doon, ewi rāpełtan naan in, jerkakpeje jān ro re mej?
- [11] Im rej kajjitōk ippān im ba, Etke skraib ro re ba, Elaija e naaj itok mokta?
- [12] Im E uwaak im kōnnaanōk er, Emool Elaija ej itok mokta, im kajimwe men otemjej; im ekōjkan ar jeje kōn Nejin armej, bwe e naaj eñtaan kōn men ko relōñ, im re naaj kajekdoon E?
- [13] A Ij ba ñan kom, emōj an Elaija itok, im raar kōmman ñan e jabdewōt men eo re kōñaan, āinwōt jeje kōn e.
- [14] Im ke Ej itok ñan ippān ro ri kałooran, ej lo ełap jar eo ej kōpool er, im skraib ro rej kajjitōk ippaer.
- [15] Im emōkaj an lap armej otemjej bwilōñ, ke rej lo E, im rej ettōr ñan ippān im yokyokwe E.
- [16] Im ej kajjitōk ippān skraib ro, Ta eo komij kajjitōk ippaer?
- [17] Im juon iaan jar eo e uwaak im ba, Ri Kaki, I ar āñintok ñan ippam nejiō maan, eo jetōb e ban kōnono ej mok ña ānbwinnen.
- [18] Im ijo jabdewōt ej āñinlok e, ej kōkkure; im ej mōrmōr, im ołoł ñiin, im ej bōjlok: im I ar ba ñan ro ri kałooram bwe ren kajutaklok e, a re bane.
- [19] Im Ej uwaak er im ba, O epepen e jab tōmak, ietoōn Aō naaj pād ippemi? ietoōn Aō naaj kijenmej kake kom? komwin āñintok e ñan Eō.
- [20] Im rej āñintok e ñan ippān: im ke ej loe, emōkaj an jetōb kekeel e, im ej buñ ioon laj, im dāpilpil im mōrmōr.
- [21] Im ej kajjitōk ippān jemen, Ietoōn an men in pād ippān? Im e ba, jān ke ej niñniñ.
- [22] Im elōñ alen e ar jołok e ña ilo kijeek, im ilo dān bwe en man e; a ełañne Kwōj maroñ jabdewōt, Kwōn tūriamo kake kōm, im jipañ kōm.
- [23] Jijej e ba ñan e, Ełañne kwōj maroñ! Eo ej tōmak ej maroñe men otemjej.
- [24] Im emōkaj an jemen ajri eo lamōj, im ba, Ij tōmak; Kwōn jipañ eō kōn aō jab tōmak.
- [25] Ke Jijej ej lo armej ro rej tōrtok, Ej kauwe jetōb ettoon, im ba ñan e, Kwe, jetōb e jaje kōnono im jaroñroñ, Ij jiroñ eok, kwōn jutaklok jān e, im jāmin bar dełoñ ilo e.
- [26] Im ke emōj an lamōj, im kanooj kekeel e, ej jutaklok jān e: im leo āinwōt juon emej; innām elōñ re ba, E mej.
- [27] A Jijej ej kabwijere pein, im kotak e; im ej jutak.
- [28] Im ke Ej dełoñ ilowan im, ri kałooran rej make wōt im kajjitōk ippān, Etke kōm ar jab maroñ in kajutaklok e?
- [29] Im E ba ñan er, Ejjelok en e maroñ in kajutaklok men rot kein, a kōn jar wōt.
- [30] Im rej ilok jān ijo, im deblōk Galili; im E jab kōñaan bwe jabdewōt armej en jełā men in.
- [31] Bwe Ej katakin ro ri kałooran, im ba ñan er, Rej ketak Nejin armej ñan pein armej ro, im re naaj man E; im ālikin aer man E, E naaj jerkakpeje ilo raan eo kein ka jilu.
- [32] A re jab mejele naan eo, im re mijak in kajjitōk ippān kake.

- [33] Im rej itok ñan Kaperneum, im ke Ej pãd ilowan im, Ej kajjitök ippaer, Ta eo kom ar akwããle doon kake ilo ial?
- [34] A rej ikõñ: bwe ilo ial raar akwããle doon, kõn wõn iaer eļaptata.
- [35] Im Ej jijet, im añañintok, joñoul im ruo, im ba ñan er, Eļañañe jabdewõt armej e kõñaan bwe en mokta, e naaj ãliktata im korijerair otemjej.
- [36] Im Ej kabwijere juon ajri edik, im kajutak e ioļapeir: im ke emõj An jiburlep e, E ba ñan er,
- [37] Jabdewõt eo e naaj bõk juon iaan ajri rein ilo eta, ej bõk Ña; im jabdewõt eo ej bõk Ña, e jab bõk Ña, a Eo e ar jilkintok Eõ.
- [38] Im Jon e uwaak E im ba, Ri Kaki, kõm ar lo juon ej kajutakļok timoņ ro ilo etam: im kõm ar bõbrae e, bwe e ar jab ļoor kõj.
- [39] A Jijej e ba, Komwin jab bõbrae e; bwe ejjeļok armej ej maroñ kõmman men in bwilõñ ilo eta, im emõkaj an maroñ kõnono nana kõn Eõ.
- [40] Bwe eo e jab kajju an pepe jãn kõj ej ippedwõj.
- [41] Bwe jabdewõt eo e naaj lewõj ñan kom juon kab in dãn im kaidaak kom, bwe kom doon Kũraj, emool Ij ba ñan kom, oņãn e jãmin jako.
- [42] Im jabdewõt eo e naaj katipñõl juon iaan rein redik rej tõmak Ña, e naaj kar emmanļok ñan e bwe ren lukwõj dekã irir eļap i kõnwan, im joļok e ilo lojet.
- [43] Im eļañañe piom ej katipñõl eok, kwõn bukwe: emman ñan eok bwe kwõn deļoñ ilowan mour im jipikpik, jãn ruo piom, im kwõj ilok ñan jikin nana, ilowan kijeek e jãmin kun indeeo.
- [44]
- [45] Im eļañañe niom ej katipñõl eok, kwõn bukwe: emman ñan eok bwe kwõn deļoñ ilowan mour im jipikpik, jãn ruo niom im joļok eok ilo jikin nana.
- [46] [e jako ilo kajin Majõl kõnke e jako ilo elõñ copy in kajin Grik]
- [47] Im eļañañe mejõm ej katipñõl eok, kwõn itũki: bwe emman ñan eok bwe kwõn deļoñ ilowan aelõñ in Anij im juon wõt mejõm, jãn ruo mejõm, im joļok eok ña ilowan jikin nana.
- [48] Ijo e jab mej aer likaakrak, im kijeek e jab kun.
- [49] Bwe naaj kejatök ro otemjej kõn kijeek.
- [50] Emman joļ; a eļañañe ejako nemãn joļ, kom naaj kejatök e kõn ta? En wor joļ ilo kom, im komwin aenõmman ñan doon.

## JEPTA 10

- [Mk 10.1] Im E jutak jãn ijo, im itok ñan mojen Judia i tõrerein, im i reear in Jordan; im armej rej bar kweilokļok ñan ippãn, im Ej bar katakin er, ãinwõt An kõmman mokta.
- [2] Im Parisi ro rej itok ñan E, im kajjitök ippãn, E mãlim ke an armej joļok lio pãleen? bwe ren kapo E.
- [3] Im E uwaak im ba ñan er, Ta eo Moses e ar jiroñ kom?
- [4] Im re ba, Moses e ar liküt bwe kõmin jeje naan in kötļok, im joļok e.
- [5] Im Jijej e uwaak im ba ñan er, Kõn an pen bũruemi e ar je naan in.
- [6] A jãn jinoin kõmanman laļ, Anij e ar kõmman er maan im kõrã.

- [7] Kōn men in armej e naaj ilok jān jemen im jinen, im e naaj eddāp ñan lio pāleen;
- [8] Im erro re naaj juon wōt kanniōk: kōn men in re jab bar ruo, a juon wōt kanniōk.
- [9] Innām men eo Anij e ar kobaike, armej ren jab kōjepel e.
- [10] Im ilowan im ri kalooran rej bar kajjitōk ippān kōn men in.
- [11] Im e ba ñan er, Jabdewōt eo ej joļok lio pāleen, im pāleek bar juon, ej ļōñ ñae lio.
- [12] Im eļaññe kōrā ej joļok ļeo pāleen, im pāleek bar juon, ej ļōñ.
- [13] Im rej āñintok ñan ippān ajri redik, bwe en uññūr er; im ri kalooran rej kauwe ro raar āñintok er.
- [14] A ke Jijej ej loe, eļap an illu, im e ba ñan er, Komwin likūt ajri raņ bwe ren itok ñan ippa; komwin jab bōbrae er; bwe ro āierwōt, aer aelōñ in Anij.
- [15] Eṃool Ij ba ñan kom, Jabdewōt eo e jab bōk aelōñ in Anij im āinwōt ajri edik, e jāmin deļoñ ilowan.
- [16] Im Ej jiburlep er, im likūt pein ioer, im jar kōn er.
- [17] Im ke Ej ilok ñan ial, juon ej tōrtok; im bukwelōlō ñan E, im kajjitōk ippān, Ri Kaki eṃṃan, ta eo in kōṃṃan bwe en aō jolōt mour indeeo?
- [18] Im Jijej e ba ñan e, Etke kwōj ba Ña I ṃan? Ejjeļok en eṃṃan, a juon wōt, Anij.
- [19] Kwō jeļā kien ko, Kwōn jab uror, Kwōn jab ļōñ, Kwōn jab koqot, Kwōn jab riab ñae, Kwōn jab ṃan, Kwōn koutiej jemaṃ im jinōṃ.
- [20] Im e uwaak im ba ñan E, Ri Kaki, men kein otemjej I ar kōjparoki jān iien aō ajri.
- [21] Im Jijej ej lale e im yokwe e, im E ba ñan e, Juon men eo kwōj aikuj; kwōn ilok im wiakaki men ko otemjej aṃ, im leļok ñan ro ri jeraṃōl, im e naaj wor ṃweiōṃ i lañ; im itok, im ļoor Eō.
- [22] A e kōṃmeñ mejan kōn naan eo, im ej ilok im būromōj; bwe elōñ ṃweien.
- [23] Im Jijej ej rei bajjek, im ba ñan ro ri kalooran, Ro ri ṃweie re nañin ban deļoñ ilowan aelōñ in Anij:
- [24] Im ri kalooran re bwilōñ kōn naan ko An. A Jijej e bar uwaak im ba ñan er, Ajri raņ, ro rej lōke ṃweiuk re nañin ban deļoñ ilowan aelōñ in Anij!
- [25] E pidodo an kamel deļoñ ilo dāilil in iie, jān ri ṃweie deļoñ i ilowan aelōñ in Anij!
- [26] Im re kanooj bwilōñ, im ba ñan doon, Innām wōn e maroñ bwe en mour?
- [27] Jijej ej reiļok ñan er, im ba, Armej re bane, a e jab āinwōt ippān Anij; bwe Anij ej maroñ kōn men otemjej.
- [28] Innām Piter ej jino an ba ñan E, Lo, kōm ar likūt men otemjej, im ļoor Eok.
- [29] Im Jijej e uwaak im ba, Eṃool Ij ba ñan kom, Ejjeļok armej eo e ar likūt im, ak jein im jaten ṃaan im kōrā raņ, ak jemen, ak jinen, ak ro nejin, ak āne ko ānen, kōn Ña im kōn gospel,
- [30] A e naaj bōk jibukwi kōn juon ilo iien in, ṃo ko, im jein im jaten ṃaan im kōrā raņ, im ro jinen, im ro nejin, im āne ko ānen, kab matōrtōr ko; im ilo laļ enaaj itok, mour indeeo.
- [31] A elōñ ro ṃokta re naaj āliktata; im ro āliktata re naaj ṃokta.
- [32] Im rej ilo ial ke rej wanlōñļok ñan Jerusalem; im Jijej ej ilok iṃaerļok: im rej bwilōñ; im ro rej ļoore re mijak. Im E bar āñin joñoul im ruo, im jino an kōnnaanōk er men ko re naaj buñut E, im ba,

- [33] Lo, jej wanlōñ]ok ñan Jerusalem: im naaj ketak Nejin armej ñan pris re]ap, im ñan skraib ro; im re naaj liaak]ok E ñan mej, im re naaj ketak E ñan ro ri aelōñ ko;
- [34] Im re naaj kajjirere kake, im naaj iyelok e, im naaj deñ]ok E, im naaj man E; im ilo raan eo kein ka jilu E naaj jerkakpeje.
- [35] Im Jemes im Jon, ro nejin Zebedi, rej itok ñan ippān, im ba, Ri Kaki, kōmro kōṇaan bwe Kwōn kōmman ñan kōm men eo jabdewōt kōm naaj kajjitōk kake.
- [36] Im E ba ñan erro, Ta eo kom kōṇaan bwe In kōmman ñan kom?
- [37] Re ba ñan e, Kwōn letok ñan kōmro bwe kōmin jijet, juon i anbwijmaroñōm, im juon i anmiñōm, ilo Am aiboojoj.
- [38] A Jijej e ba ñan er, Komij jaje ta eo kom kajjitōk. Komij maroñ in idaa kab eo Ij idaa ke? im peptaj ilo peptaj eo Ij peptaj ke?
- [39] Im re ba ñan E, Kōmro maroñ. Im Jijej e ba ñan er, Aet, kom naaj idaa kab eo Ij idaa; im kom naaj peptaj ilo peptaj eo Ij peptaj;
- [40] A kōn jijet i anbwijmaroñiō im i anmiñiō, e jab Aō bwe In lewōj: a an ro ar kapojak e ñan er.
- [41] Im ke joñoul rej roñjake, re jino an ]ap aer illu ñan Jemes im Jon.
- [42] A Jijej ej aññintok er ñan E, im ba ñan er, Kom je]ā ro rej ]ōmṇak bwe rej Irooj ñan ri aelōñ ko, rej irooj ioer; im ro re]ap iaer rej irooj ioer.
- [43] A e jab āindein ippemi; a jabdewōt eo e kōṇaan bwe en e]ap ippemi, e naaj ri jermal ñan kom.
- [44] Im jabdewōt eo iaami e kōṇaan bwe en e]aptata, e naaj ri korijerami otemjej.
- [45] Bwe barāinwōt Nejin armej e ar jab itok bwe ren korijer ñan E, a bwe En ri korijer, im bwe En le]ok An mour kōn oñān elōñ armej.
- [46] Im rej itok ñan Jeriko: im ke Ej ilok jān Jeriko ippān ro ri ka]ooran im elōñ armej, nejin Timiōs, Bartimiōs, ri owar epilo, ej jijet iturin ial.
- [47] Im ke ej roñ bwe E Jijej ri Nazeret, ej jino an lamōj, im ba, Jijej, Nejin Devid, kwōn tūriamokake eō.
- [48] Im elōñ rej kauwe e bwe en ikōñ: a e kanooj ka]ap]ok an lamōj, O Nejin Devid, kwōn tūriamokake eō.
- [49] Im Jijej ej bōjrak, im ba, Komwin kūrtoke. Im rej kūrtoke eo epilo, im ba ñan e, Kwōn aenōmman, im jutak: Ej kūr eok.
- [50] Im ej jo]ok kopā eo an, im jutak, im itok ñan Jijej.
- [51] Im Jijej e uwaak im ba ñan e, Ta eo kwōj kōṇaan bwe In kōmman ñan eok? Eo epilo e ba ñan E, Rabbonai, bwe in lo]okjeṇ.
- [52] Im Jijej e ba ñan e, Kwōn ilok, am tōmak ej kemour eok. Im eṇōkaj an lo]okjeṇ, im ]oor Jijej ilo ial.

## JEPTA 11

[Mk 11.1] Im ke rej kepaak ñan Jerusalem, ñan Betpeje im Betani, ilo to] Olivet, Ej jilkin]ok ruo ri ka]ooran,

- [2] Im ba ñan er, Komwin ilok ñan jikin kwelok edik ikijjiemi: im ñe kom deļoñ ilowan, e naaj mōkaj amiro lo juon koon elokjak, ejjelok armej e ar jijet ioon; komwin jeļate, im ãñintok e.
- [3] Im eļañne jabdewōt armej ej ba ñan komro, Etke komij kōmman men in? komwin ba, Bwe Irooj eo ej aikuj e: im e naaj mōkaj an jilkintok e.
- [4] Im rejro ilok, im lo koon elokjak ilikin turin kōjām ilo ial, im rej jeļate.
- [5] Im jet iaan ro rej jutak ijo re ba ñan erro, Komij et jeļate koon ne?
- [6] Im rejro ba ñan er ãinwōt Jijej e ar jiroñ er; im rej kōtlok erro.
- [7] Im rejro ãñintok koon eo ñan Jijej, im ere kōn kopā ko aer ioon, im Ej jijet ioon.
- [8] Im elōñ rej ere ial kōn kopā ko aer: im barjet rej jekjek raan wōjke ko, im ere ial eo kaki.
- [9] Im ro rej ilok imaan lok, im ro rej ļoortok, rej lamōj im ba, Hosana; Emōñōñō eo ej itok ilo etan Irooj:
- [10] Emōñōñō aelōñ eo ej itok, aelōñ an jemed Devid: Hosana ñan ijo eutiejtata.
- [11] Im Ej deļoñ ilo Jerusalem, im ilowan tempel: im ke E ar rei bajjek ñan men otemjej, im kiiō ejota, Ej diwōj im ilok ñan Betani ippān joñoul im ruo.
- [12] Im raan eo ilju, ke raar itok jān Betani E kwōle,
- [13] Im Ej lo wōjke fig etolok ewor bwilikōn, im ej itok, bwe En kappok leen i raan: im ke Ej itok ñan e, E jab lolo, a bōlōk wōt; bwe e jab iien jebar fig ko.
- [14] Im Jijej e uwaak im ba ñan e, Enjellok armej ej mōñā liom jān kiiō ñan indeeo. Im ri kaļooran rej roñjake.
- [15] Im rej itok ñan Jerusalem; im Jijej ej deļoñ ilowan tempel, im jino An kadiwōjlok ro rej wia ilowan tempel, im ukōji tebōl ko an ro rej wia kōn mAn, im kein jijet ko an ro rej wiakaki muļe ko;
- [16] Im E jab kōtlok bwe jabdewōt armej en bōklok jāpe ilowan tempel.
- [17] Im Ej katakin im ba ñan er, Ar jab jeje ke, Ri aelōñ otemjej re naaj likūt mweo imō imōn jar? a kom ar likūt e bwe en roñan ro ri kowadoñ.
- [18] Im skraib ro im pris ro reļap rej roñjake, im pukot ekōjkan aer man E: bwe re mijak E, bwe armej otemjej re bwilōñ kōn An katakin.
- [19] Im ke ejota jabdewōt, Ej ilok jān jikin kwelok eo.
- [20] Im ke ejibboñ, ke rej eļļā, rej lo wōjke fig eo e mōrāllok jān okran.
- [21] Im Piter ej keememej im ba ñan E, Rabbai, lo wōjke fig eo kwaar koole, e mōrāllok.
- [22] Jijej e uwaak im ba ñan er, Komwin tōmak Anij.
- [23] Bwe emool Ij ba ñan kom, Jabdewōt eo e naaj ba ñan toļ in, Kwōn teep, im jako ņa ilo lojet; im e jab pere ilo būruen, a ej tōmak bwe men eo ej ba e naaj waļok, e naaj an.
- [24] Kōn men eo Ij ba ñan kom, men ko jabdewōt komij kajjitōk ilo ami jar, komwin tōmak bwe komij bōki, im re naaj ami.
- [25] Im ñe komij jutak im jar, eļañne jabdewōt armej ewor ruōn ippemi, komwin jeorlok e, bwe barāinwōt Jememi i lañ en jeorlok jerowiwu ko ami.
- [27] Im rej bar itok ñan Jerusalem: im ke Ej etetal ilowan tempel, pris ro reļap, im skraib ro, im elder in armej ro, rej itok ñan ippān,
- [28] Im ba ñan E, kōn naan ot Kwōj kōmman men kein? im wōn e ar lewōj ñan Eok naan in, bwe Kwōn kōmman men kein?

- [29] Im Jijej e uwaak im ba ñan er, I naaj kajjitōk ippemi kōn juon naan, im koṃwin uwaak Eō, im I naaj kōnnaanōk kom naan eo Ij kōṃṃan men kein kake.
- [30] Peptaij eo an Jon, e jān lañ ke, ak jān armej? koṃwin uwaak Eō.
- [31] Im rej kōnono ñan doon im ba, Eļaññe je ba, Jān lañ, E naaj ba, Innām etke kom ar jab tōmak e.
- [32] A eļaññe jej ba, Jān armej, re mijak jar eo, bwe armej otemjej rej ļōmṃak, Jon e ri kanaan eṃool.
- [33] Im re uwaak im ba ñan Jijej, Kōm jaje, Im Jijej e ba ñan er, I jāmin kōnnaanōk kom naan eo Ij kōṃṃan men kein kake.

## JEPTA 12

- [Mk 12.1] Im Ej jino An ba ñan er ilo būrabōļ ko. Juon armej ej kallib i jikin grep, im ej kōṃanṃan wōrwōr in kōpooļe, im kūbwij jikin kein joniak wain, im kalōk iṃōn ebar, im ej kōlaik e ñan ro ri kallib, im ej ilōk ñan bar juon aelōñ.
- [2] Im ke iien leen ekalo, ej jilkinļok ri korijeran ñan ro ri kallib, bwe en bōk leen grep jān ro ri kallib.
- [3] Im rej jibwe, im deñļoke, im jilkinļok e im ejjeļok leen ippān.
- [4] Im e bar jilkinļok ñan ippaer bar juon ri korijeran: im rej kade, im kinejneje bōran, im jilkinļok e, im enana aer kōṃṃan ñan e.
- [5] Im ej jilkinļok bar juon; im rej ṃan e, im bar elōñ; rej deñļoke jet, im rej ṃan jet.
- [6] A juon nejin ippān e jitōnbōro, im ej jilkinļok e āliktata ñan ippaer, im ba, Re naaj kabuñ ñan nejiō.
- [7] A ri kallib rej ba ñan doon, ƭe iṃ ri jolōt; itok, jān ṃan e, im jolōt eo e naaj ad.
- [8] Im rej jibwe, im ṃan e, im joļok e jān jikin kallib grep eo.
- [9] Innām ta eo Irooj in jikin kallib grep e naaj kōṃṃan? E naaj itok im ṃan ro ri kallib, im leļok jikin kallib eo ñan bar jet.
- [10] Kom ar jab kōnono ke naan in ilo Jeje ko? Ejṃaan eo ro ri kal raar joļok e, eṃōj kōṃṃan e iṃ deṃōn jabōn im.
- [11] Men iṃ jān Irooj, im men in bwilōñ ilo mejed.
- [12] Im rej pukot bwe ren jibwe E, a re mijak armej raṃ; bwe re jeļā E ar ba būrabōļ iṃ ṃae er, im rej likūt E im ilōk.
- [13] Im rej jilkinļok ñan E jet iaan Parisi ro im iaan ro doon Herod, bwe ren jibwe E kōn An in naan.
- [14] Im ke rej itok re ba ñan E, Ri Kaki, kōm jeļā Kwō ṃool, im ejjeļok armej Kwōj wōjake; bwe Kwō jab kakilen ālikin armej, a Kwōj katakin ial in Anij im eṃool: Emālim ke owōj ļok ñan Sizar ak jab?
- [15] Kōmin leļok ke, ak kōmin jab leļok? A E jeļā aer etao, im ba ñan er, Etke komij kapo Eō? bōktok ñan Eō juon deneriōs bwe In lo e.
- [16] Im rej bōktok. Im Ej ba ñan er, Men in e im jeje iṃ an wōn? Im re ba ñan E, An Sizar.
- [17] Im Jijej e uwaak im ba ñan er, Koṃwin leļok ñan Sizar men ko an Sizar, im ñan Anij men ko an Anij. Im re kanooj bwilōñ kōn E.
- [18] Innām Saddusi ro rej itok ñan E, ro re ba ejjeļok jerkakpeje, im rej kajjitōk ippān, im ba,

- [19] Ri Kaki, Moses e ar je ñan kōm, Eļaññe jein armej e mej, im lio pāleen ej pād, im ejjeļok nejin; jaten en bōk lio pāleen im en wor ajri ñan jein.
- [20] E kar jiljilimjuon jemjein jemjatin: im eo maanje ej bōk lio pāleen, im e mej im ejjeļok nejin.
- [21] Im jaten kein ka ruo ej bōk lio, im e mej, im ejjeļok nejin; im barāinwōt eo kein ka jilu.
- [22] Im iriōñ jiljilimjuon raar pāleek e, im ejjeļok nejir; im ālikiir otemjej kōrā eo e mej.
- [23] Ilo jerkakpeje, ñe re naaj jerkakpeje, pāleen wōn lio iaer? bwe iriōñ jiljilimjuon raar pāleek e.
- [24] Jijej e ba ñan er, Kom jab bōd e kōn men in, bwe kom jaje Jeje ko, im an Anij maroñ ke?
- [25] Bwe ñe re naaj jerkakpeje jān ro re mej, re jab pālele, im jab leļok bwe ren pālele; a rej āinwōt enjeļ ro i lañ.
- [26] A kōn ro re mej, bwe rej jerkakpeje, kom ar jab kōnono ilo bok in Moses ke, ekōjkan ilo juļ Anij e ar kōnono ñan e, im ba Ña Anij an Ebrean, im Anij an Aisak, im Anij an Jekōb?
- [27] E Jab Anij an ro re mej, a an ro remour: eļap ami bōd.
- [28] Im juon iaan skraib ro ej itok, im ke eṃōj roñjake aer kajjitōk ippān doon, im jeļā eṃṃan An uwaak er, ej kajjitōk ippān, Ewi kien eo eļap iaer otemjej?
- [29] Jijej e uwaak e, Kien eļaptata, Komwin roñjake, O Israel, Irooj ad Anij, Irooj ej juon wōt:
- [30] Im kwōn yokwe Irooj aṃ Anij kōn aolepen būruōṃ, im kōn aolepen aṃ, im kōn aolepen aṃ ļoļātāt, im kōn aolepen aṃ kajoor.
- [31] Im e in kein ka ruo, Kwōn yokwe ri turōñ im āinwōt kwe. Ejjeļok bar juon kien eļap jān kein.
- [32] Im skraib eo e ba ñan E, Eṃṃan, Ri Kaki, eṃool Aṃ ba; bwe E juon wōt; im ejjeļok bar juon, E make wōt,
- [33] Im eļaññe armej ej yokwe E kōn aolepen būruen, im kōn aolepen ļoļātāt, im kōn aolepen an, im aolepen an kajoor, im eļaññe ej yokwe ri turin im āinwōt e, men in eļap jān men ko re iio otemjej ej katok kaki im tile, im men in joortak ko.
- [34] Im ke Jijej ej lo bwe ejimwe an uwaak, E ba ñan e, Kwō jab toane aelōñ in Anij. Im tokālik ejjeļok armej e peran in kajjitōk ippān kōn jabdewōt.
- [35] Im Jijej e uwaak im ba ke Ej katakin ilowan tempel, Ekōjkan an skraib ro ba Ri Kūraj e nejin Devid?
- [36] Bwe Devid e make ba ilo Jetōb Kwōjarjar, Irooj e ba ñan aō Irooj, Kwōn jijet i anbwijmaroñiō, ñan tōr eo Ij likūt Aṃ ri kōjdat bwe ren eran niom.
- [37] Devid ej naetan Irooj; im ekōjkan e nejin? Im armej waan ebuñbūreir ke rej roñjake.
- [38] Im Ej ba ñan er ilo An katakin, Komwin kōjparok kom jān skraib ro, re kōṇaan kaitok nuknuk ko aer ke rej etetal, im kōṇaan bwe armej ren yokyokwe er ilo jikin wia ko,
- [39] Im kein jijet ko remṃan ilo imōn kwelok ko, im ijo ko remṃan ilo kwōjkwōj ko:
- [40] Rej kañi imōn kōrā ro ejako pāleir, im kimje armej kōn an aitok aer jar; rein re naaj bōk liaakļok eļap.
- [41] Im Jijej ej jijet ikijjien nien ṃAn, im lale kōjkan an armej āti ṃAn ṇa ilowan nien ṃani; im elōñ ri ṃweie rej āti elōñ.

- [42] Im juon kōrā, e jeraṃōl im ejako pāleen, ej itok im āti ruo ṃAn reniñ, rej āinwōt juon farthiñ.
- [43] Im Ej aṇiñintok ro ri kaḷooran ñan ippān, im ba ñan er, Eṃool Ij ba ñan kom, kōrā iṇ e jeraṃōl im e jako pāleen e ar āti eḷap jān er otemjej raar āti ṇa ilowan nien ṃAn:
- [44] Bwe er otemjej raar āti wōt jet jān elōñ ṃweieir; a lio kōn an jeraṃōl e ar āti men ko an otemjej, aet aolepen men in mour an.

### JEPTA 13

- [Mk 13.1] Im ke Ej diwōj]ok jān tempel, juon iaan ro ri kaḷooran ej ba ñan E, Ri Kaki, Kwōn lale ṃōk ie wāween ejṃaan kein im ṃōkein!
- [2] Im Jijej e uwaak im ba ñan e, Kwōj lo ṃōkein reḷap ke? ejjeḷok juon dekā e naaj pād ioon doon im jab ebjak.
- [3] Im ke Ej jijet ioon toḷ Olivet ikijjien tempel, Piter im Jemes, im Jon im Andru rej make wōt im kajjitōk ippān,
- [4] Kwōn kōnnaanōk kōm, men kein re naaj itok Ñāāt? im ta kakō]le ñe men kein otemjej re nañin jejjet?
- [5] Im Jijej ej jino an ba ñan er, Koṃwin lale bwe ejjeḷok armej en ṃoṇe kom.
- [6] Bwe elōñ re naaj itok ilo eta, im ba, Ña Kūrai, im re naaj kejebwābweik elōñ.
- [7] Im ñe komij roñjake tariṇae im naan in tariṇae ko, kōmin jab lō]ñōñ; bwe eṃool men kein re naaj itok, a jeṃḷokōn e jañin itok.
- [8] Bwe ri aelōñ re naaj jutak ṃae ri aelōñ, im aelōñ an kiñ ṃae aelōñ an kiñ, im ilo jet āne e naaj ṃakūtkūt laḷ, im e naaj wor ñūta; men kein jinoin eñtaan.
- [9] A koṃwin kōjparok kom; bwe re naaj ketak kom ñan jar an ri pepe ko; im re naaj deñ]oke kom ilowan iṃōn kwelok ko; im kom naaj jutak iṃaan mejan irooj redik im ro reḷap kōn Ña, kōn men in kōnnaan ñan er.
- [10] Im naaj kwaḷok gospel ñan ri aelōñ ko otemjej ṃokta.
- [11] Im ñe rej āñin]ok im ketak kom, koṃwin jab inepata ṃokta ta eo kom naaj ba: a jabdewōt men eo naaj lewōj ñan kom ilo awa eo, men in koṃwin kōnono kake: bwe e jab komeo komij kōnono, a Jetōb Kwōjarjar.
- [12] Im jein im jaten e naaj ketak jein im jaten bwe en mej, im jemen nejin; im ajri ro re naaj jutak ṇae jemeir im jineir, im kōṇaan bwe ren mej.
- [13] Im armej otemjej re naaj matōrtōre kom kōn eta; a eo e naaj niknik ñan jeṃḷokōn, e iṇ e naaj mour.
- [14] A ñe kom naaj lo men eo men in jōjōik im eḷap an koḷkure, im e jutak ijo eṃo an pād ie, (eo ej kōnono ilo bok en jeḷā kake) innām ro rej pād i Judia ren ko ñan toḷ ko.
- [15] Im eo ej pād ioon im en jab to laḷ ilowan im, en jab deḷōñ bwe en bōk men eo jabdewōt jān ṃweo iṃōn.
- [16] Im eo ej pād ilo jikin kallib en jab jep]aak bwe en bōk kopā eo an.
- [17] A wo ñan ro rej bōrōro, im ro rej kaninnin ilo raan ko!
- [18] Im koṃwin jar bwe en jab ilo iien e piō.
- [19] Bwe ilo raan ko e naaj wor eñtaan, eo e ar jab āinwōt jān jinoin kōṃanṃan laḷ eo Anij e ar kōṃṃane ñan iien iṇ, im e jāmin bar āinwōt.

- [20] Im eļañņe Irooj e ar jab kãiet ļok raan ko, ejjeļok kanniõk e naaj kar mour: a kõn An ri kããlõt, ro E ar kããlõt er, E ar kãiet ļok raan ko.
- [21] Im iien eo eļañņe jabdewõt armej e naaj ba ñan kom, Lo ri Kũraij ije, ak ijjuweo; koṃwin jab tõmak e.
- [22] Bwe e naaj jutak ro ri Kũraij waan, im ro ri kanaan waan, im re naaj kwaļok kakõļle ko im men in bwilõñ ko, bwe, eļañņe re maroñ, ren kejebwãbweik ro ar kããlõt er.
- [23] A koṃwin kõjparok kom; lo, I ar kõnnaanõk kom ṃokta men otemjej.
- [24] A ilo raan ko, ilokõn eñtaan eo, aļ e naaj marok im allõñ e jãmin romaak,
- [25] Im iju i lañ re naaj wõtļok, im men ko rekajoor i lañ re naaj ṃakũtkũt.
- [26] Im iien eo re naaj lo Nejin armej ej itok ilo kõdo ko, kõn eļap kajoor im wõj.
- [27] Im iien eo E naaj jilkinļok enjeļ ro An, im E naaj kokweiloktok ro ar kããlõt er jãn emãn kõto, jãn ṃõttan laļ etoļok tata ñan ṃõttan lañ etoļok tata.
- [28] Koṃwin katak bũrabõļ jãn wõjke fig: ñe ej ub raan, im ej eoñ bõlõk, kom jeļã epaak iien mããñãñ.
- [29] Barãinwõt kom, Ñe komij lo men kein rej waļoktok, koṃwin jeļã, Ej epaak, aet iturin kõjãm ko.
- [30] Eṃool Ij ba ñan kom, epepen iņ e jãmin jako ṃokta jãn men kein otemjej naaj itok.
- [31] Lañ im laļ re naaj jako: a naan ko Aõ re jãmin jako.
- [32] A raan eo im awa eo ejjeļok en e jeļã kake, jab enjeļ ro rej pãd i lañ, jab Nejin, a Jema wõt.
- [33] Koṃwin kõjparok kom, koṃwin ekil im jar: bwe kom jaje ñããt iien eo.
- [34] Ej ãinwõt ke juon armej ej ilok ñan ãne etoļok, ej likũt ṃweo iṃõn, im ej leļok naan in kallimur ñan ro ri korijeran, im ñan armej otemjej aer jermal, im barãinwõt jiroñ ri bar kõjãm bwe en ekil.
- [35] Innãm koṃwin ekil; bwe kom jaje ñããt Irooj in ṃweo ej itok, ke ejota, ak ilukwõn boñ, ak ñe kako ej ikkũr, ak ñe ejibboñ;
- [36] Ñe ab naaj ṃõkaj an itok im lo ami kiki.
- [37] Im naan eo Ij ba ñan kom, Ij ba ñan otemjeļok, Koṃwin ekil.

#### JEPTA 14

- [Mk 14.1] Ilokõn ruo raan kwõjkwõj in kijoone, im bred e jab uwe; im pris ro reļap im skraib ro rej pepe, e naaj kõjkan aer jibwe E ilo ṃoņ im ṃan E:
- [2] Bwe rej ba, En jab iuṃwin kwõjkwõj, ñe ab iruj armej.
- [3] Im ke Ej pãd i Betani ilowan iṃõn Saimõn, ri lõba, ke Ej jibadek im ṃõñã, juon kõrã ej itok alebaster nien dãn in kapit nard ippãn, eļap oņãn; im ej rupe nien, im lutõk ioon bõran.
- [4] Im jet rej illu, im ba, Etke ej jerwaane dãn in kapit iņ?
- [5] Bwe raar maroñ in wiakake men eo im bõk oņãn eļap jãn jibukwi silliñ, im leļok ñan ro re jeraṃõl. Im rej lotaan e.
- [6] Im Jijej ej ba, Koṃwin likũt e: etke komij añõte e? e ar jermal ñan Eõ jermal eṃṃan.
- [7] Bwe ri jeraṃõl rej pãd ippemi iien otemjej, im iien eo kom kõņaan kom maroñ jipañ er; a Ña I jab pãd ippemi iien otemjej.

- [8] Lio e ar kōmman āinwōt an maroñe: e ar kapit ānbwinniō mokta ñan kalbwin Eō.
- [9] Eṃool Ij ba ñan kom, Ijo jabdewōt re naaj kwaļok gospel in i aolepen laļ, men in lio e ar kōmmane re naaj kōnono kake bwe ren keememej e.
- [10] Im Judas Iskariōt, juon iaan joñoul im ruo, ej ilok ñan ippān pris ro reļap, bwe en ketak E ñan er.
- [11] Im ke rej roñjake e buñbūrueir, im rej muri bwe ren leļok ñan e ṃAn. Im ej pukot iien eṃman bwe en ketak E ñan er.
- [12] Im raan mokta iaan raan ko raan in bred e jab uwe, ke rej katok kōn men in kijoone, ri kaļooran rej ba ñan E, Ewi ijo Kwō kōṇaan kōmin ilen kapojak, bwe Kwōn ṃōñā men in kijoone?
- [13] Im Ej jilkinļok ruo iaan ro ri kaļooran, im ba ñan erro, Komwin ilok ñan lowaan jikin kwelok eo, im juon armej e naaj ioon komro ej bōktok kein itōk: komwin ļoor e.
- [14] Im ijo jabdewōt ej deļoñ ie, komwin ba ñan irooj in ṃweo, Ri Kaki ej ba, Ewi ṃōjabuweo ijo I naaj ṃōñā men in kijoone ippān ro ri kaļoora?
- [15] Im e naaj ba kajjien ñan komro po jabeo eļap eṃōj kōkōmmanṃōn im kapoje: ijo komwin kapoj ṃae kōj ie.
- [16] Im ri kaļooran rejro ilok, im deļoñ ñan lowaan jikin kwelok eo, im lo āinwōt E ar ba ñan er: im rej kapojak men in kijoone.
- [17] Im ke ejota Ej itok im joñoul im ruo ippān.
- [18] Im ke rej jibadek im ṃōñā, Jijej e ba, Juon iaami e naaj ketak Eō, aet eo ej ṃōñā ippa.
- [19] Im rej jino in būromōj, im kajju aer ba ñan E, Ña ke?
- [20] Im E ba ñan er, E juon iaan joñoul im ruo, eo ej kattu ļok ippa ilowan jāpe.
- [21] Nejin armej ej ilok, im āinwōt jeje kōn E; a wo ñan armej eo ej ketak Nejin armej! e naaj kar eṃman eļañne armej eo e ar jab ļotak.
- [22] Im ke rej ṃōñā, Jijej ej bōk bred, im jar im ruje, im leļok ñan er im ba, Komwin bōk e; men in ānbwinniō.
- [23] Im Ej bōk kab, im ke eṃōj An jar, Ej leļok ñan er; im er otemjej rej ilimi.
- [24] Im E ba ñan er, Men in daō in kallimur, eo katōorļok e ñan elōñ.
- [25] Eṃool Ij ba ñan kom, I jāmin bar ilimi leen vain ñan raan eo Ij ilimi im ekāāl ilo aelōñ in Anij.
- [26] Im ke eṃōj aer al, rej diwōj im ilok ñan toļ Olivet.
- [27] Im Jijej ej ba ñan er, Kom otemjej naaj tipñōl: bwe ar jeje, I naaj ṃan seperd, im jiiip ko re naaj jeplōklōk.
- [28] A ālikin Aō jerkakpeje, I naaj ṃōkaj ļok jān kom ñan Galili.
- [29] A Piter e ba ñan E, Eļañne er otemjej re naaj tipñōl, a ña jab.
- [30] Im Jijej e ba ñan e, Eṃool Ij ba ñan eok, rainin, aet ilo boñin in, mokta jān an kako ikkūr alen ruo, kwō naaj kaarmejjet Eō alen jilu.
- [31] A ej kaļapļok an ba, Eļañne Ij meje Eok, I jāmin kaarmejjete Eok ñan jidik. Āindein barāinwōt er otemjej re ba.
- [32] Im rej itok ñan ijo jikin etan Getsemani: im E ba ñan ro ri kaļooran, Komwin jijet ijin ilo iien Aō jar.

- [33] Im Ej ãnin Piter im Jemes im Jon ippãn, im jino An kanooj bwilõñ, im eļap An eddo būruen;
- [34] Im E ba ñan erjel, Aõ e kanooj būromõj ãinwõt ñan mej: koṃwin pãd ijin, im ekil.
- [35] Im Ej ilok jidik, im buñ ioon laļ, im jar, bwe eļaññe e maroñ, awa in en ilok jãn E.
- [36] Im E ba, Abba, Jema, Kwõ maroñe men otemjej; Kwõn bõkļok kab in jãn Eõ: a en jab ankil Aõ, a ankil Aṃ.
- [37] Im Ej itok im lo aer kiki, im Ej ba ñan Piter, Saimõn, kwõj kiki ke? kwõ jab maroñ in ekil iuṃwin juon awa ke?
- [38] Koṃwin ekil im jar, bwe koṃwin jab deļoñ ilowan kapo. An e kõṇaan, a kanniõk eṃõjṇo.
- [39] Im Ej ar ilok, im jar, im bar ba naan ko.
- [40] Im ke Ej jepļaak, Ej lo aer bar kiki, bwe eddo mejeir, im re jaje ta eo ren uwaak E.
- [41] Im Ej itok alen kein ka jilu, im ba ñan er, Koṃwin kiki wõt kiiõ, im kakkijeik kom: eṃõj; awa e moottok; lo, ketake Nejin armej ñan lowaan pein ro ri jerõwiwi.
- [42] Koṃwin jerkak, jãn etal; lo eo ej ketak Eõ epaak.
- [43] Im eṃõkaj, ke Ej kõnono, Judas, juon iaan joñoul im ruo, ej itok, im elõñ armej ippãn, ewor jãje im doon ippaer, jãn ippãn pris ro reļap, im skraib ro, im elder ro an armej raṇ.
- [44] Im eo ej ketak E, e kar leļok ñan er kakõļlen, im ba Eo I naaj mejenmaike, E eo: koṃwin jibwe E im ãninļok im dāpij E.
- [45] Im ke ej itok, eṃõkaj an ilok ñan ippãn im ba Rabbai, im ej mejenmaik E.
- [46] Im re kõtelleļok peir im jibwe.
- [47] Im juon iaan ro rej jutak ijo, ej nuri jãje eo an, im jepak ri korijeran pris eo eļap, im bukwe lojilñin.
- [48] Im Jijej e uwaak im ba ñan er, Komij itok ãinwõt ñae ri kowadoñ ke, kõn jãje ko im doon ko bwe koṃwin jibwe Eõ?
- [49] Raan otemjej I ar pãd ippemi ilowan tempel, im katakin, im kom ar jab jibwe Eõ: a eñin bwe en kaṃool naan in Jeje ko.
- [50] Im er otemjej rej ilok jãn E, im ko.
- [51] Im juon likao ej ļoor e, nuknuk linen ej kõpool ãnbwinnen e keelwaan: im rej jibwe;
- [52] A ej likūt nuknuk linen eo, im keelwaan e ko jãn er.
- [53] Im rej ãninļok Jijej ñan ippãn pris ļapļap; im pris otemjej re ļap, im elder ro, im skraib ro raar kweilokļok ñan ippãn.
- [54] Im Piter e kar ļoor E, im etoane, ñan lowaan ṃweo iṃõn pris ļapļap; im ej jijet ippãn ro ri kabõjrak, im ej rañrañ ilo kijeek.
- [55] Im pris ro reļap im ri pepe otemjej rej kappok kõnnaan ñae Jijej, bwe ren ṃan E, im ejjeļok aer loe.
- [56] Bwe elõñ rej riab ñae E, a e jab ãinwõt juon aer in naan.
- [57] Im jet re jutak, im riab ñae E, im ba,
- [58] Kõm ar roñ An ba, I naaj rupe tempel in kõṃmane kõn pã ko, im iuṃwin jilu raan I naaj kalõk bar juon, im jab kõṃmane kõn pã ko.
- [59] A e jab ãinwõt juon aer in naan.

- [60] Im pris ļapļap ej jutak ioļap, im kajjitōk ippān Jijej im ba, Kwō jab uwaak ñan jidik ke? Ta eo rein rej kōnnaan ņae Eok?
- [61] A Ej kejekļokjeņ, im jab uwaak. Pris ļapļap eo ej bar kajjitōk ippān, im ba ñan E, Kwe ri Kūraij ke, Nejin Eo Eṃōṃōṃō?
- [62] Im Jijej e ba, E: im kwō naaj lo Nejin armej Ej jijet i anbwijmaroñan kajoor, im itok ilo kōdḡ ko i lañ.
- [63] Innām pris ļapļap eo ej kekeel nuknuk ko an, im ba, Etke jej aikuj bar jet ri kōnnaan?
- [64] Kom ar roñjake balspim eo. Ta ami ļōmṃak? Im er otemjej rej liaakļok E, bwe ewor ruōn bwe En mej.
- [65] Im jet rej jino aer iyelok E, im pinej mejan, im jekanunok E, im ba ñan E, Kwōn rūkaanij: im ri kabōjrak rej ubrare kōn loḡpiden peir.
- [66] Im ke Piter ej pād i laļ ilowan im, juon jiroñ, ri korijeran pris ļapļap ej itok:
- [67] Im ke ej lo Piter e rañrañ, ej kallimjeke, im ba, Im kwaar pād ippān Jijej ri Nazeret.
- [68] A ej kaarmejjete im ba, I jaje im jab mejeļe men eo kwōj ba. Im ej diwōjļok ñan tōñaak; im kako ikkūr.
- [69] Im jiroñ ej lo e, im jino an bar ba ñan ro rej jutak ijo, E iņ juon iaer.
- [70] Im ej bar kaarmejjete. Im tokālik jidik, ro rej jutak ijo rej bar ba ñan Piter, Eṃool kwe juon iaer; bwe kwe ri Galili.
- [71] A e jino an kaṃool im kanejnej, im ba I jaje armej iņ komij kōnono kake.
- [72] Im e ṃōkaj alen kein ka ruo an kako ikkūr. Im Piter ej keememej naan eo Jijej e ar ba ñan e, ṃokta jān kako ikkūr alen ruo, kwō naaj kaarmejjete Eō alen jilu. Im ke ej ļōmṃak kake, ej jañ.

## MARK 15

- [Mk 15.1] Im e ṃōkaj ke e jibboñ pris ro re ļap rej pepe ippān elder ro, im skraib ro, im ri pepe otemjej, im rej liāpe Jijej, im āñinļok im ketak E ñan Pailat.
- [2] Im Pailat ej kajjitōk ippān, Kwe kiñ an ri Ju ro ke? Im E uwaak im ba ñan e, Kwōj ba.
- [3] Im pris ro reļap rej kinaakļok e kōn men ko re lōñ.
- [4] Im Pailat ej bar kajjitōk ippān im ba, Ejjeļok Aṃ uwaak ke? Lo enañin lōñ men ko rej jarōkļok Eok kaki.
- [5] A Jijej e jab bar uwaak ñan jidik; kōn men iņ Pailat e bwilōñ.
- [6] A ilo kwōjkwōj eo ej kōtļok ñan er juon ri prisōn, jabdewōt eo re kōṃnaan.
- [7] Im juon etan Barabbas, eṃōj liāpe ippān ro raar kapata, er armej raar uror ilo aer kapata.
- [8] Im jar eo ej wanlōñļok im jino aer kajjitōk ippān, bwe en kōṃṃan ñan er āinwōt ej kōṃṃan iien otemjej.
- [9] A Pailat ej uwaak er, im ba, Kom kōṃnaan bwe In kōtļok ñan kom kiñ an ri Ju ro ke?
- [10] Bwe ej kile pris ro reļap, raar ketak E kōn aer juunṃaade.
- [11] A pris ro reļap rej kareel būruen armej raņ, bwe en kōtļok Barabbas ñan er.
- [12] Im Pailat e bar uwaak im ba ñan er, Innām ta eo komij kōṃnaan bwe in kōṃṃan ñan Eo kom ba, E kiñ an ri Ju ro?
- [13] Im rej bar laṃōj, Kwōn debwāāl E.

- [14] Innām Pailat ej ba ñan er, Bōta? ta eo enana E ar kōmmane? Im rej kanooj kaḷapḷok aer laḿōj, Debwāāl E.
- [15] Innām Pailat, kōn an kōḅaan kaenōmmane jar eo, ej kōtḷok Barabbas ñan er, im ketak Jijej, ke eḿōj an deñḷok E, bwe ren debwāāl E.
- [16] Im ri tariḅae rej āñinḷok e ñan lowaan jikin eo etan Pritoriōm, im rej kokweiloktok jar an tariḅae otemjej.
- [17] Im rej kanuknuk E kōn balle ekilmir, im pirōk pāllin kālōklōk, im likūt e ioon bōran;
- [18] Im jino aer yokyokwe, Yokwe Eok, kiñ an ri Ju ro!
- [19] Im rej deñḷok bōran kōn koba, im iyelok E, im rej bukweḷōlō im kabuñ ñan E.
- [20] Im ke eḿōj aer kajjirere, rej utūk nuknuk ko ekilmir jān E, im kanuknuk E kōn nuknuk ko An, im āñinḷok E bwe re debwāāl E.
- [21] Im juon etan Saimōn, ri Sairine, jemen Alexander im Rufōs, ke ej itok jān ilujen āne, im nañin kijoone, rej kaḿakokoik e bwe en inek An debwāāl.
- [22] Im rej āñinḷok e ñan jikin Golgota, ukōtōn naan in, Jikin ḷāt in bar.
- [23] Im rej leḷok ñan E wain e kāre kōn mōrr bwe En idaak; a E jab bōk e.
- [24] Im rej debwāāl E, im ajej nuknuk ko An ilo juon kakōḷje ioer, bwe ren jeḷā ewi men ko aer.
- [25] Im awa kein ka ruwatimjuon, im rej debwāāl E.
- [26] Im naan in kinaakḷok kake eḿōj jeje ilōñin, KIÑ AN RI JU RO.
- [27] Im rej debwāāl ruo ri kowadoñ ḅa ippān, juon i anbwijmaroñan, im juon i anmiñin.
- [29] Im ro rej eḷḷā ḷok rej kajjirere kake, im jeboulul bōraer, im ba, Kweo, Kwōj koḷkure tempel, im kalōk e iuḿwin jilu raan,
- [30] Kwōn ḷoḿooren Eok, im to laḷ jān debwāāl ḅe.
- [31] Barāinwōt pris ro reḷap rej kajjirere im ba ñan doon kab skraib ro, E ar ḷoḿooren ro jet; E jab maroñ make ḷoḿooren E.
- [32] Ri Kūraj, kiñ in Israel, En to jān debwāāl eo, bwe jān lo im tōmak. Im ro ar debwāāl er ḅa ippān rej kajjirere kake.
- [33] Im ke ej itok joñoul im ruo awa, emarok ioon aolepen āne im ñan jilu awa.
- [34] Im ke jilu awa, Jijej ej laḿōj im eḷap ainikien, im ba, Eloī, Eloī, lama sabaktani; ukōtōn naan in, Aō Anij, Aō Anij, etke Kwaar iloḷok jān Eō?
- [35] Im jet iaan ro rej jutak ijo, ke rej roñjake, re ba, Lo, Ej kūr Elaija.
- [36] Im juon ettōr im kattu ḷok matmat ilo vinegar, im likūt e iḿaan koba, im leḷok ñan E bwe En idaak, im ba, Jab kijer; jān lo Elaija e naaj iten door laḷ, ak jab.
- [37] Im Jijej ej laḿōj im eḷap ainikien, im kōtḷok An.
- [38] Im rōñel in tempel e potak im ruo ḿōttan, jān lañ ñan laḷ.
- [39] Im senturiōn, eo ej jutak ikijjien, ke ej lo bwe āindein An mej, e ba, Eḿool armej in e Nejin Anij.
- [40] Im jet kōrā rej alwōj im toane: jet iaer Meri Magdalini, im Selome, im Meri jinen Jemes edik im Joses;
- [41] Im iriōñ ke E ar pād i Galili, raar ḷoor e, im jermal ñan E: im bar elōñ kōrā ro raar wanlōñtok ippāntok ñan Jerusalem.
- [42] Im kiiō ke ejota, bwe iien kapojak, eñin raan iḿaan Jabōt,

- [43] Josep ri Arimatia, e ri pepe im emman, im ej kattar aelõñ in Anij, ej itok, im e peran in delõñ ñan ippãñ Pailat, im kajjitõk ubõn Jijej.
- [44] Im Pailat e bwilõñ eļaññe E mej wõt; im ej añiñintok senturiõn eo, im kajjitõk ippãñ, ietoõn An emej.
- [45] Im ke e jeļã jãñ senturiõn, ej leļok ubõn ñan Josep.
- [46] Im ej wiaik nuknuk linen, im doorlaļ, im kütimi kõn nuknuk, linen eo, im kababu e ilo lõb eo.
- [47] Im Meri Magdalini, im Meri jinen Joses, rej lo ijo raar liküt e ie.

## MARK 16

- [Mk 16.1] Im ke e jemļok Jabõt, Meri Magdalini, im Meri jinen Jemes, im Selome, raar wiaik men ko re ñaj, bwe ren item kapit E.
- [2] Im ke ej jimmarok, raan eo mokta ilo wiik, rej itok ñan lõb eo ke ej tak aļ.
- [3] Im re ba ñan doon, Wõn e naaj kadãpiļok ñan kõj ejmaan jãñ aor in lõben?
- [4] Im ke rej lale, rej lo ejmaan eo e dãpiļok; bwe e kanooj ļap..
- [5] Im ke rej delõñ ilowan lõb eo, rej lo juon likao ej jijet i anbijmarõn, ej balle kõn kopã emouj; im re kũmļok.
- [6] Im e ba ñan er, Koṃwin jab kũmļok: komij pukot Jijej ri Nazeret, eo ar debwãål E: E ar jerkakpeje; E jako ijin; koṃwin lale ijo raar kababu E.
- [7] A koṃwin ilok, kõnnaanõk ro ri kaļooran im Piter, Ej mõkaj ļok jãñ kom ñan Galili, ijo kom naaj lo E, ãinwõt E ar ba ñan kom.
- [8] Im rej diwõjļok, im emõkaj aer ko jãñ lõb eo: bwe rej wūdiddid im bwilõñ: im ejjeļok aer ba ñan jabdewõt armej, bwe re mijak.
- [9] {Im ke Jijej ej jerkakpeje ke e jimmarok ilo raan mokta ilo wiik, Ej weaaktok mokta ñan Meri Magdalini, eo E ar kajutakļok jiljilimjuon timõñ jãñ ippãñ.
- [10] Im ej ilem kõnnaanõk ro re kar pãd ippãñ, ke rej būromõj im jañūti.
- [11] Im er, ke emõj aer roñjake bwe Ej mour, im lio e ar lo E, re jab tõmak.
- [12] Ālikin men kein, Ej weaaktok ilo bar juon wãween ñan ruo iaer, ke rej ilok ñan lujen ãne.
- [13] Im rej ilem kõnnaanõk ro jet: im re jab tõmak er.
- [14] Tokãlik Ej weaaktok ñan joñoul im juon ke rej jibadek im mõñã, im Ej kauwe er kõn aer jab tõmak im pen būrueir, bwe raar jab tõmak ro raar lo E ālikin An jerkakpeje.
- [15] Im E ba ñan er, Koṃwin ilok ñan aolepen laļ, im kwaļok gospel ñan armej otemjeļok.
- [16] Eo ej tõmak im peptaij, e naaj mour; eo e jab tõmak, naaj liaakļok e.
- [17] Im kakõļle kein re naaj ippãñ ro rej tõmak: ilo eta re naaj kajutakļok timõñ ro; im re naaj kõnono kõn lo ko rekãål;
- [18] Re naaj kotake jedpãnit ko: im eļaññe rej ilimi uno kõn mej ejjeļok nana ippaer; re naaj liküt peir ioon ro renañinmij, im re naaj mour.
- [19] Innãm ñe emõj an Irooj kõnono ñan er, ar bõk lõñļok E ñan lõñ, im E jijet i anbwijmaroñan Anij.
- [20] Im rej ilok, im kwaļok ijo ko otemjej, im Irooj ej jermal ippaer, im Ej kapen naan eo kõn men in bwilõñ ko, raar kõmanman. Amen. }